


漢書人表考 考補 附錄 四







漢書人表考

考補附錄

(四)

梁玉繩撰



叢書集成

初編

主編者  
王雲五

商務印書館發行



漢書人表考卷七

下上

后夔玄妻。后夔玄妻惟見左昭廿八。有仍氏女。黥黑而美。光可以鑑。名玄妻。樂正后夔取之。上同案路

史後紀十四譏表居夔于上中。出后夔于下上。楊升菴人表論襲其說。蓋誤離四字為二。考證齊氏曰。此

文連玄妻讀。不謂后夔是第七等人也。

斟灌氏。

斟尋氏。師古曰。二國夏同姓。諸侯為寡所滅也。

二斟始見左襄四。斟灌又作斟戈。史夏紀。錢宮詹史記。斟又作斟。本書地理志北。海下應劭注。又作

斟。玉篇。尋又作鄩。左哀元。又作斟。廣韻注。路史後紀八國名紀三。禹後國。夏紀師古注用鄭語韋注。左杜注。俱本夏紀也。路史以二斟為澆所滅。

左傳。錢宮詹曰。艸書甚作匕。與土相似。故斟或作斟。師古不能辨正。但音斟為斟。廣韻亦兼收二字。蓋六

書之不講。隋、唐人已然矣。

孔甲。不降子。孔甲始見左昭廿九。周語下。不降子始見史夏紀世表。又作胤甲。路史後紀十四。竹書謂胤之名。恐非。在位九年。竹書。



而外紀、通志作三十年。路史作四十年。

皋。師古曰：墓在殺者也。

皋始見左僖卅二。是為夏后皋。上同。又作昊。竹書。又作宰。又作簡皋。又作皋簡。路史後紀十四。孔甲子。夏在

位三年。竹書。而外紀、通志、路史作十一年。葬殺南陵。左傳。

發。發始見夏紀、世表。又作敬。外紀。又作敬發。又作惠。又作發惠。是為后敬。路史後紀十四、竹書。皋子。夏在位七年。竹書。而外紀、通

志作十三年。注或作十一。或作十年。路史作十二。

章。師古曰：豕章國。彭姓。

鼓。師古曰：卽顧國。己姓。

昆吾。師古曰：姒姓國也。三者皆湯所誅也。

三國始見商頌長發。章彭姓。顧、昆吾己姓。鄭語：鼓顧古通。黨于桀惡。湯先伐章。顧克之。鄭箋：昆

吾以乙卯日與桀同誅。左昭十八及注。案：姒姓無昆吾國。師古注姒字。必己之譌。徐氏竹書統箋據之。引帝王世



紀云河東安邑縣有昆吾亭。見續志注。疑此昆吾與桀同姓。非漢陽己姓之昆吾。恐妄也。昆吾國在衛。與桀異

處。而同日亡者。必為卿士于夏朝。故安邑有昆吾亭。豈二國哉。又三國助桀為虐。何以居第七。宜退下兩

格。

蔡宮侯。

伯子。依釋史本。各本譌作侯宮。

宮侯。伯子。惟見史世表。蔡世家。

案。諡法無宮。必是其名。然史曹世家有宮伯侯。

何也。

衡父。孟增子。

衡父始見史秦紀。趙世家。孟增生衡父。同上。

共王伊扈。

穆王子。

共王始見史周紀。伊扈始見周紀。索隱引世本及史世表。穆王子始見周紀。共本作恭。

周語上。魯語下。世表。

伊又作繫。

周紀而竹書單名繫。

在位十二年。

竹書而外紀。通志作十年。注引皇甫謐云。二十五年。年八十四。

晉成侯。武侯子。

成侯。武侯子。始見世表。晉世家。名服人。世家。

陳慎侯。孝侯子。

慎公。孝公子。始見世表。陳世家。名圉戎。世家。

案。兩侯字誤。當作公。



蔡厲侯宮侯子依繹史本各本宮譌宣厲侯、宮侯子始見世表、蔡世家。

魯厲公魏公子厲公、魏公子始見世表、魯世家名擢世家、竹書又作翟世家索隱引世本、本書律曆志在位三十七年世家、律曆志

晉厲侯成侯子厲侯、成侯子始見世表、晉世家名福世家又作輻世家索隱引世本

衛頃侯貞伯子頃侯、貞伯子始見世表、衛世家亦曰衛頃公詩柏舟序立十二年世家案立年疑誤當作三十二年

年說在史記志疑八。

楚熊延摯弟熊延、摯弟始見世表、楚世家是為楚子延竹書

蔡武侯厲侯子蔡武侯、厲侯子始見史世表、十二侯表、蔡世家立二十六年侯表

衛釐公頃侯子依繹史本各本作頃公衛釐侯、頃侯子始見世表、侯表、衛世家立四十二年侯表、世家案釐公當作釐侯。

楚熊勇延子楚熊勇始見世表、侯表、熊延生熊勇始見楚世家是為楚子勇竹書立十年侯表、世家



晉靖侯厲侯子靖侯始見左桓三厲侯子始見晉世家名宜曰立十八年侯表世家

邾顏邾顏始見左莊五疏引世本邾國曹姓陸終第五子曰安周武王封其苗裔挾為附庸居邾挾之

後顏杜世族譜通志氏族略三左隱元疏引譜挾作俠名夷字顏廣韻顏字注又作夷父杜小邾譜又作夷甫錢宮詹金石文跋尾又作伯顏路史後紀八注是為

邾武公廣韻路史而通志謂邾至文公始有謚武公之號未必然也故曰邾婁顏公羊昭卅一釋文于公羊隱元云邾人語聲後曰婁是也蓋句吳於越之比路史國名紀三言邾後遷婁恐非亦曰顏公公羊注周

天子誅之公羊案公羊謂顏以亂魯被誅立其弟叔術叔術致國于其子夏父則賢不肖相去昭然妻嫂

之事當時已辨其誣矣乃表置顏于下上而列叔術第八慎孰甚焉

夏父夏父惟見羊公昭卅一邾顏子母顏夫人盈女國色也同上

蔡夷侯武侯子蔡夷侯武侯子始見侯表蔡世家立二十八年同上

楚熊罇紉子合本譌罇無此字熊罇徇子始見楚世家紉徇通罇又作鄂侯表又作噩世家索隱是為楚子鄂竹書立九年史記

陳釐公幽公子依釋史本各本幽下脫公字陳釐公始見詩衡門序幽公子始見侯表陳世家名孝立三十六年史記



晉獻侯釐侯子

晉獻侯、釐侯子始見侯表、晉世家名籍同上又作蘇世家索隱引立十一年史記

晉穆侯獻侯子

晉穆侯始見左桓二、獻侯子始見晉世家名費生竹書而史侯表從世本作弗生、世家詩唐風疏作費王、索隱或作灋生、或作灋王、或作弗王、或單作生、疑

俱譌立二十七年史記

齊成公文公子

齊成公、文公子始見侯表、齊世家名說侯表立九年同上案成公之名、世家作脫、考侯表及索

隱引世本、譙周皆作說、詩齊風疏引世家政作說字、則今本世家譌說為脫耳。

魯孝公懿公子

魯孝公始見禮曾子問、周語上名稱侯表魯立二十七年世家、本書律歷志而侯表作三十七年者、并伯御立年繫之也案國語

謂孝公能訓治其民、命于夷宮、則當列第五與武公同等也、世家以孝公為懿公弟、律歷志以孝公為伯御叔父、則此言懿公子似非、乃年表又云孝公伯御弟、何也、疑以傳疑、公羊子已莫能定矣見昭卅一

陳武公釐公子

陳武公、釐公子始見侯表、陳世家名靈立十五年同上

蔡釐侯夷侯子

蔡釐侯、夷侯子始見侯表、蔡世家名所事立四十八年同上



燕頃侯世十一 燕頃侯始見侯表、燕世家。頃又作傾。竹書立二十四年。史記

齊嚴侯成侯子 齊莊公始見呂氏春秋安死。名購。齊世家及索隱引世本、呂安死、貴卒注、鄭語注而史表作贖誤。亦曰齊莊。鄭語立六十四年。侯表、世家。

案兩侯字當作公。

陳夷公武公子 陳夷公、武公子始見侯表、陳世家。名說立三年。同上。

陳平公夷公弟 陳平公、夷公弟始見侯表、陳世家。名燮立二十三年。同上。案詩陳風疏引世家名燮。豈史異

本耶。

魯惠公孝公子 惠公始見左隱元。孝公子始見魯世家。亦單稱惠。左桓二。立四十六年。侯表、世家。案惠之名。禮曾子

問疏、史索隱引世本作弗皇。杜世族譜、左疏從之。侯表作弗生。據集解索隱所引今本作弗涅。世家作弗涅。左文十六疏及釋文引世家又作弗皇。

釋文作不皇。本書律麻志單作皇。又皇王大紀作沸涅。余疑當作弗涅。古生涅通用。不與弗同。觀周幽王名宮涅。亦作生。曹桓公名終生。亦作涅。可見沸皇涅皆譌文。

秦文公襄公子 秦文公、襄公子始見史秦紀、秦記、侯表。立五十年。同葬西山。秦紀。



楚甯敖若敖子

楚甯敖始見史侯表。若敖子始見楚世家。甯本作霄。世家故索隱云霄變為甯。名熊坎。世家坎又作菌。又作欽。

索隱立六年史記

鄭武公桓公子

鄭武公始見詩緇衣序。左隱元。桓公子始見史鄭世家。名滑突。周語中注杜世族譜索引隱史表。又作掘突。世家

又作突滑。索隱引譙周恐譌。

父子並為周司徒。詩序。故亦曰司徒鄭伯。竹書。亦單稱武。周語。立二十七年。侯表世家。

燕哀侯十二世

燕哀侯始見侯表。燕世家立二年。同上。

燕鄭侯十三世

燕鄭侯始見侯表。燕世家立三十六年。同上。案索隱謂諡法無鄭。或是名。然燕君皆失名。不

應此侯獨傳名鄭可疑。

蔡共侯釐公子依釋史本各本譌共公

蔡共侯、釐侯子。始見侯表。蔡世家名興。立二年。同上。案前稱釐侯。則此公字誤。

齊釐公嚴公子

齊僖公始見春秋桓十五。左莊八。莊公子始見齊世家。名祿父。春秋桓十四。世家作祿甫。亦單稱僖。鄭語。立三



十三年。侯表世家。

燕繆侯。十四世。

燕繆侯始見侯表、燕世家。立十八年。同上。

陳桓侯鮑。文侯子。

陳桓公始見左隱四、春秋桓五。名鮑始見桓五經傳。文公子始見侯表、陳世家。立三十

八年。同上。

案兩侯字當作公。

展亡駭。無駭始見春秋隱二、左隱八。展無駭始見公羊隱二。駭又作佗。穀梁隱二、八。魯孝公之子公子展。廣韻注通。

志氏族略序。其子曰公孫夷伯。其孫曰無駭。氏族序。夷伯見左僖十五。世族譜云。夷伯展氏桓父。而唐書世系表七十三上作孝公子夷伯展。非也。亦曰司空無駭。隱公命為

展氏。左隱二八。

宋司徒皇父。

司空牛父。

公子穀生。



彫班師古曰。彫音而。

四人並始見左文十一。司徒皇父即皇父充石。

同上。注疏謂皇父字充石名是也。廣韻注以皇父為複姓非。

戴公子杜注。司寇牛

父、微子之裔。廣韻注。唐書牛氏表。司寇此誤。司空。

公子穀生本作穀甥。甥者生也。釋名。

彫班又作斑。注疏本。

案高氏左傳姓名考以

牛父穀甥為充石子。大謬也。據傳四人在宋武公之世。表次春秋初。嫌太後。

桓王林。平王孫。泄父子。

桓王始見詩兔爰序。左隱六。名林。平王孫洩父子始見史周紀。平王太子洩父蚤死。故立

孫。同上。二十三年崩。周紀。侯表。竹書。

葬河南澠池縣東北百二十里。襄字記五。

衛宣公晉。桓公子。

衛宣公始見詩雄雉諸序。左隱四。春秋桓十二。名晉始見春秋隱四。即公子晉。左隱四。

立十

九年。侯表。衛世家。

案此表及詩譜疏引世家以宣公為桓公子。誤也。今本世家以晉為桓弟。亦未的。疑是桓庶

兄。

虞公。

虞叔。二人並始見左桓十。叔、虞公弟。杜注。



楚屈瑕。依釋史本各本譌作瑕丘。楚屈瑕始見左桓十一。武王子受屈為卿，因以為氏。離騷王注。號屈侯。路史國名紀三。亦曰莫敖。桓

一、十二、十三。杜注官名。本書五行志中上莫作隴。師敗，縊于荒谷。桓十

隨少師。隨少師始見左桓六。

魯嚴公同。桓公子。魯莊公始見詩猗嗟序，左莊八，春秋閔元。避諱改嚴，故魯語上，楚語上亦作嚴公。名同。桓公子始見春秋桓六

經傳。母文姜。始見左桓六，春秋莊廿二。立三十二年。春秋。

鄭昭公忽。厲公兄。鄭昭公始見左桓十一。名忽始見詩有女同車諸序，左隱三，春秋桓十五。又作忽。說文。亦曰

公子忽。隱三。亦曰太子忽。左桓六。亦曰世子忽。桓十。亦曰鄭忽。桓六傳，桓十一經。亦曰昭君。史循吏傳。莊公娶鄧曼所生。左桓十一。立二

年。史侯表，鄭世家。高渠彌弑之。左桓十七世家。謂因出獵射殺。案經傳稱忽為世子太子，世家謂忽弟厲公，故此注云厲公兄也。

高渠彌。高渠彌始見左桓五。彌又作昧。史秦紀。亦曰高伯。齊人輓之。左桓十七、十八。鄭世家謂高亡歸妾也。案高伯弑君之賊，

當置下下。



鄭子亶昭公弟 鄭子亶始見左桓十八 昭公弟始見史侯表 鄭世家 卽公子亶桓十 又作子亶韓子 齊人殺

之桓十八

右公子職 右公子職始見左桓十六 衛宣公之兄弟左 爲惠公所殺左莊六

王子克 王子克始見左桓十八 卽子儀同 莊王弟史周紀集解引 桓王子杜世

紀侯 紀侯始見春秋桓六經傳 紀國侯爵姜姓杜世 葬鄒縣東南二十五里高氏春秋地名考略 案莊四

年經 紀侯大去其國 公羊云 大去者滅也 穀梁云 不遺一人之辭 故杜以不反解之 而困學紀聞六引宋

儒說以大爲紀侯名亦新

紀季 紀季始見春秋莊三經傳 紀侯之弟公 季字杜 葬臨淄東古安平城北一統

齊伯氏 伯氏惟見論語 名偃皇侃

寺人貂 寺人貂始見左僖二 卽豎貂本表 又作豎刀管子戒小稱大戴禮保傅公羊僖十八 墨子 案豎刀諸人

所染刀字本有貂音故通用今作刁非也



不應優列第七。

易牙。易牙始見管子戒篇、左僖十七、公羊僖十八、易姓。

廣韻注。又作狄牙。大戴禮保傅、賈誼新書胎教、法言問神、論衡譴告、自紀、文選琴賦、北齊書顏之推傳。

易狄古通。故白虎通禮樂章云。狄者易也。亦曰子牙。新書連語。

常之巫。師古曰。齊桓時人也。見呂覽。

常之巫始見呂覽知接。又作堂巫。管子小稱。又作棠巫。史齊世家索隱引管子。

案。左僖十七有雍巫。

賈逵云。雍人名巫。易牙字。見世家索隱正義。

杜注孔疏從賈說。但管子、呂覽及此表皆以巫與易牙、豎刀、開方為四

人。春秋分記亦巫牙並列。豈巫即易牙乎。故索隱言賈說無據。棠巫恐與雍巫為一人也。蓋巫其官。常其名。常堂音近。堂堂古通。雍

其氏必雍廩之族。傳稱因貂薦羞於公。不定作進膳解。觀世家作厚獻于公。可見。又管子曰。逐堂巫而苛病起。呂覽桓公曰。常之巫審死生。能去苛病。則非雍官明矣。至通雅二十謂易牙名亞。乃牙轉音。譌為巫。

古牙與互通。或音之譌。尤屬妄談。董含尊鄉贅筆亦妄云。易牙名亞。

衛公子開方。衛公子開方始見管子大匡。又作啓方。呂覽知接。

釐王胡齊嚴王子。釐王胡齊、莊王子始見史周紀五年崩。周紀侯表竹書

陳宣公杵臼嚴公弟。陳宣公始見詩防有鵠巢序、春秋僖十三名杵臼始見春秋僖十二、莊公弟始見侯

表、陳世家杵又作處。公羊傳十一厲公卒莊公林立七年卒弟杵臼立。侯表世家莊公林立見春秋莊元二表脫莊公惟釋史本有非立四十五年。同上

息侯。息侯始見左隱十一。本作息。說文釋文世本息國姬姓其初不知誰子何時封也。左疏通志氏族略二以為媯姓非楚破息

使其守門遂自殺。列女傳

惠王毋涼。釐王子依釋史本各本注脫惠王始見左莊十六、周語上名毋涼始見史周紀索隱引世本釐王子始見周

紀又名閔。周紀杜世族譜二十五年崩。周紀侯表竹書

鄭高克。高克始見詩清人序、左閔二。或謂克是渠彌子無據克又作剋。詩釋文

公孫素。公子素惟見清人序。案公孫當作公子據詩序素即作詩刺鄭文公高克者柰何與克同等

乎。海寧陳鱣詩人考曰春秋傳莊十四年莊公之子八人杜注傳惟見四人子忽、子亶、子儀並死獨厲公



在八人名字記傳無聞。顧炎武補正云：桓十四年，鄭伯使其弟語來盟，傳稱其字子人，蓋其一也。此公子素疑亦莊公子八人之一。于文公為叔父，故所作之詩君臣同責歟。八人見四，是釋文，非杜注也。世族譜尚云語莊公子。

陳轅濤塗。陳轅濤塗始見春秋僖四經傳，即轅宣仲。左傳五。本作袁。公毅及左釋文、史齊世家。又作爰。廣韻注、通志氏族略三。申公九

世孫。杜世族譜。案通志略謂申公生靖伯，十八世孫莊伯生諸，字伯爰，孫濤塗。又云胡公九代孫爰伯諸。唐世系表七十四下

謂申公生靖伯庚，庚生季子惛，惛生仲牛甫，甫生聖伯順，順生伯他父，他生戴伯，戴生鄭叔，叔生仲爾金，父金生莊伯，莊生諸，字伯爰，孫宣仲，賜邑陽夏，以王父字為氏。所述代數皆參錯不同，恐難信。

楚申侯。申侯始見左僖四，春秋僖七，申出也。自楚奔鄭見殺。左傳七。亦曰申侯伯。呂氏春秋長見說苑君道。

魯公子般。子般始見春秋莊卅二經傳，楚語下，又作斑。史魯世家。魯莊公太子。韋杜注。黨氏女子孟任所生，慶父使

圉人榮賊之。莊卅二。翟教授曰：太子不當稱公子，公字似衍。

魯閔公啓。嚴公子。閔公始見左莊卅二，莊公子始見史魯世家，閔又作潛。侯表、世家。又作愍。本書律厯志、五行志中上。母叔姜。左

二、八歲立。杜注。立二年。春秋。慶父使卜齮賊之。閔二。案左疏、世家索隱並引世本名啓方、律麻志、杜世族譜同、惟

史避諱作開、蓋脫方字、當作開方、此獨書曰啓、非也。

史華龍滑。史華龍滑惟見左閔二、衛太史。同上。案衛有華氏、不知所出、通志氏族略五、史葉氏注謂衛

頃侯之後公子史食采于葉、因氏焉、以史為名、以華為葉而連為複姓、妄也。

奚齊。

卓子。師古曰卓音敕角反。二公子始見左莊廿八、春秋僖九及十。經但曰卓。晉語一、晉獻公夫人驪姬生奚齊、其娣生卓

子。莊廿八、僖四、晉語。卓又作倬。史秦紀集解。又作悼子。晉世家蓋悼字譌。亦曰公子卓。僖九、里克殺之。春秋僖九、十、經傳、晉語二。

趙孟。夙子生衰、師古曰衰音楚危反。案趙孟即史趙世家共孟、晉語四公明也、並夙、衰之父、此依世家、世本以孟為夙子、

夙為衰祖、非說在第六趙夙下。

蔡繆侯。哀侯子、依釋史本、各本譌繆公、又脫注。蔡繆侯始見左僖六、哀侯子始見史蔡世家、名肸。春秋僖十四。立二十九年。侯表、世家。

許釐公。許僖公始見左僖六、春秋文六、即許男業。春秋文五、而公羊注云、正本作辛。許又作鄒。史鄭世家說文。太岳之胤。左隱十一。周武



王封其苗裔文叔于許至莊公十一世莊公莒人蒞卒弟桓公鄭立即許叔卒弟穆公新臣立卒子僖公

立三十四年。杜世族譜程氏春秋分記莊公許叔見隱十一及桓十五經傳穆公見僖四經傳

襄王鄭。惠王子依釋史本各本注脫襄王始見左僖七春秋文九周語上晉語四名鄭始見僖五惠王子始見史周紀

母惠后陳嬀。左莊十八僖廿四周語三十三年崩。史侯表而紀作三十二年誤

晉惠公。獻公子晉惠公始見左僖九周語上晉語八獻公子始見僖廿四名夷吾。始見左莊廿八春秋僖廿四晉語一母小戎子。

莊廿八史晉世家誤以夷吾母為重耳母女弟亦曰晉公。世家立十四年。侯表世家

里克。里克始見左閔二春秋僖九晉語一里姓。廣韻注本作理。通志氏族略四又作李。呂氏春秋先已注亦曰里子。史晉世家亦曰

里季子。晉語注世家集解引賈逵亦曰中大夫。左僖四晉語二惠公殺之。春秋僖十經傳晉語三葬曲沃南五里。寰宇記四十七案里克中立以聽申生

之死。又殺君母及二君一大夫何以居第七當退下兩格。

虢射。虢射始見左僖八晉語三。案史晉世家集解引服虔及左僖十四十五注疏俱本晉語稱虢射。晉惠公舅考惠公母小戎子是允姓疑射以戎人事晉食采于新滅之虢遂以為氏也廣韻注虢射姓虢。

不言所出。惟通志氏族略二謂晉滅虢。子孫以虢為氏。恐不可信。而晉語韋注云。虢射。晉大夫。諸侯謂異姓大夫曰舅。其說又別。未定所從。

宋成公。襄公子。依釋史。本各本譌倒。宋成公始見左僖廿四。襄公子始見史宋世家。名王臣。春秋文七。左定四。而穀梁文七及左釋文作王臣。誤。立十七

年。侯表。世家。

齊孝公。桓公子。齊孝公。桓公子。始見左僖十七。春秋廿七。母鄭姬。名昭。同。亦曰太子昭。史齊世家。又作照。穀梁僖廿七釋文恐

非。立十年。侯表。世家。

鄭子臧。子臧始見左僖廿四。鄭文公報鄭子之妃陳媯所生。左宣三。好聚鷓冠。文公惡而殺之。同上。

頃王王臣。襄王子。依釋史本。各本增周字。又脫注。頃王始見左文十。名壬臣。襄王子。始見史周紀。立六年。周紀。侯表。案。紀作壬臣。

杜世族譜同。疑當依此表作王字。宋成公之名亦譌王為壬。又襄五年楚公子壬夫。顏師古匡謬正俗謂宜為王夫。可互證也。隸辨魯峻碑陰有壬端子行。即王字。蓋古壬作壬而王作壬。故譌亂耳。

夏父弗忌。一本作不思。夏父弗忌始見左文二。魯語上。夏父氏。章注。忌又作綦。禮禮器。魯大夫夏父展之後。章注。既葬



而焚。魯語。

宋昭公。成公子。依釋史本。各本注脫。

宋昭公始見左文七、晉語五、成公子始見史宋世家。名杵臼。春秋文十六經傳。公羊作處白。立九年。侯表。

世祖母襄夫人攻殺之。文十六。

胥甲父。胥甲父始見春秋宣元經傳。本作胥甲。左文十二。胥臣子。杜注。

狐射姑。師古曰。射音夜。狐射姑始見春秋文六經傳。又作夜姑。穀梁文六。狐偃之子。韋杜注。食采于賈。韋注。亦曰賈季。左文六及十三。

晉語五。狐溱為大狐氏。射姑為小狐氏。路史後紀十注。溱季其字。乃偃兄狐毛子。

魯宣公。文公子。依釋史本。各本注脫。魯宣公始見左文十八、春秋成元、周語中、魯語上、文公子始見史魯世家。母敬嬴。

文十八、春秋宣八、公穀作頃熊。名倭。本書律曆志、左宣元疏及釋文。又作接。左疏釋文。又作委。侯表、世家。立十八年。春秋。

定王榆。匡王弟。依釋史本。各本增周字。又注脫。定王始見左宣二、周語中、匡王弟始見史周紀。通志作匡王子。非。二十一年崩。周紀、侯表。案。

定王之名史作瑜周語注作揄宋庠補音云本作渝或作榆皆與此異未知孰是

宋文公鮑昭公弟宋文公鮑始見左文十六春秋成二二三昭公弟始見史侯表宋世家即公子鮑文十六又作

鮑革世家立二十二年史記

翟豐舒 豐舒始見左文七赤狄潞子之相為晉所殺左宣十五

召伯師古曰召讀曰邵 召伯惟見春秋宣十五即召戴公左宣十五王札子殺之同上 案召氏穆公之後召伯廖始見莊

廿七年傳表有嗣此僖十一有召武公文五年有召昭公宣六成八有召桓公周語中桓公與邵至語在成

十六年疑皆父子相繼獨戴公宣十五被殺介于桓公之間未知是弟是子蓋亦如周公忌父宰周公孔之並官王朝也

毛伯 毛伯始見春秋文元即毛伯衛左文元九宣十五 文王子毛伯之後本封絕滅食采為畿內諸侯左僖廿四文元疏 衛

為王札子所殺宣十五經傳

少師慶 少師慶惟見說苑至公



士釐 士釐惟見楚語上 案慶逐楚莊太子之車王稱寶臣莊王使釐傅太子賴其善善之則居于七等屈二子矣。

鄭襄公堅靈公弟依釋史本各本弟譌子 鄭襄公堅始見左宣四、春秋成四、靈公弟始見史侯表、鄭世家世家集解引表作兄 堅又作

馭公羊成四 又作賢公羊疏引穀梁 又作緝玉篇同堅 立十八年史記

衛繆公成公 衛穆公始見左成二、春秋成三、成公子始見史衛世家、名速春秋成二 又作遯公羊成二、世家而侯表作遯譌 立十

一年史記

簡王夷定王子依釋史本各本增周字 簡王始見春秋襄二、周語中、名夷、定王子始見史周紀、十四年崩周紀、侯表

魯成公宣公 魯成公始見春秋成十八、周語中、下、魯語上、宣公子始見史魯世家、母穆姜左成十六、襄二九 名黑

肱侯表、世家 肱又作股世家集解 立十八年春秋

齊頃公惠公 齊頃公始見左宣十七、公羊成二、春秋成九、惠公子始見史齊世家、母蕭同叔子三傳成二、公羊叔作

姪世家名無野成九母賤因取薪生于野狸乳而鷓覆之故名于寶搜神記立十七年侯表世家

衛定公總公子子衛定公始見左成七春秋成十五穆公子始見衛世家名臧春秋宣十八立十二年侯表世家

孫良夫依釋史本各本增衛字孫良夫始見春秋宣七左成二即孫桓子左宣七成二孫氏出于衛武公成十四疏引世本武公生公

子惠孫惠孫生耳食采于臧生武仲乙以王父字為氏乙生昭子炎炎生莊子紇紇生宣子鱣鱣生桓子

唐表七十三下惠孫及耳見廣韻孫字注武仲亦曰孫仲見通志氏族略三昭子莊子見左文元哀廿六又杜世族譜云莊子紇武公三世孫昭子武公四世孫則當云莊子生昭子紇亦當作紇唐表誤桓子目眇宣十七疏引穀梁史晉世家而今本穀梁

作跛亦曰孫子成二

中叔于奚仲叔于奚始見左成二新築人同上注云守新築大夫又作叔孫于奚賈誼新書審微

宋共公瑕文公子子宋共公始見春秋成十五經傳本書五行志上作恭公名瑕文公子始見史侯表宋世家本名固春秋立

十三年史記



晉景公。成公子。晉景公始見左成十。成公子始見史晉世家。名孺。春秋成十。又名據。史侯表。立十九年。同上。陷廁而

卒。成十。

宋平公。共公子。依釋史。本各本共譌成。宋平公始見左襄六。春秋昭十一。共公子始見宋世家。立四十四年。侯表。案。平公

之名。春秋成十五。昭十左。穀作成。公羊作戌。史從左。穀公羊釋文云。本或作成。據何休昭元注。謂向戌與君同名音恤。則作成似誤。平公之曾祖諡成公。平何以名成乎。春秋定四杞伯成。哀十三許男成。公羊一作戌。一作戌。並以形近譌混也。

叔孫僑如。叔孫僑如始見春秋成二。左成三。周語中。即宣伯。始見左文。十一周語。僑又作喬。本書五行志上。莊叔得臣之子。

章杜注。得臣敗狄于鹹。獲長狄僑如。因以名其子。文十一。襄卅。亦曰叔孫宣子。其狀方上而銳下。周語。

公子偃。公子偃始見春秋成十六。經傳。魯宣公子。成公庶弟。杜世族。以與謀廢立見刺。成十六經傳及注。案。經傳

有三公子偃。一為魯莊公時大夫。莊十。一乃鄭穆公子。字子游。諡宣子。即公孫董子蟠之父。成三五。六及世族譜。亦在魯

成時。而此與僑如並列。當是被刺之公子偃也。

長魚矯。長魚矯始見左成十七。長魚複姓。廣韻注。矯又作蛟。晉語六、楚語下。

羊斟。羊斟始見左宣二。即叔牂。同上。

靈王泄心。簡王子。靈王始見左襄十二。周語下。名泄心。始見左昭廿六。疏引世本。簡王子始見史周紀。又

名大心。章注。生而有顛。時號顛王。昭廿六。二十七年崩。周紀、侯表。葬河南王城西南柏亭西周山上。周紀集解、水經洛水注、續郡國志注並引皇覽。

魯襄公。成公子。依釋史本各本脫注。魯襄公始見春秋襄卅一。經傳、魯語下。成公子始見史魯世家。母定嬀。襄四經傳而公羊嬀作弋。何注

以為莒女。非。名午。侯表、世家。三歲立。世家。踰年改元。故杜注云四歲。立三十一年。春秋。

齊靈公環。頃公子。齊靈公始見左成十七。春秋襄十九。名環始見襄十四。傳、十九經。頃公子始見史齊世

家。環又作瑗。公羊襄十九。亦曰齊環。左襄十八。立二十八年。侯表、世家。

衛獻公衎。定公子。衛獻公始見禮檀弓下。祭統。春秋襄廿九。左襄十五。名衎始見成十四。傳、襄廿九經。定



公子始見史衛世家。母敬嬀。成十亦曰衛獻。本書五行立十八年奔齊。在外十二年而入。三年卒。世家

衛殤公焱。獻公弟。師古曰。春秋焱作剽。衛殤公始見史侯表。衛世家。即公孫剽。春秋襄元。左十四。亦曰子叔。左襄元及廿六。穆公孫。襄十。四注。子

叔黑背子。襄元注。黑背。見成十經傳。黑背字子叔。即以子叔為族。襄廿六疏。而通志氏。族略三謂字子析。立十二年。史記。為甯喜所弑。襄廿六。經傳。案。剽

乃定公從子于獻公為從父昆弟。此但云獻公弟。欠晰。侯表。世家以為定公弟。則謬甚。注疏言剽無諡。故稱族。而史號為殤公。蓋後追諡之。馬遷必別有所本也。而其名經傳作剽。侯表作狄。世家作秋。疑焱為焱之譌。狄為秋之譌。秋亦音七遙反。焱秋剽音近。

孫文子。林父。孫文子始見左成十四。名林父。始見春秋成七經傳。晉語八。良夫之子。杜注。

福陽子。妘姓。師古曰。即。福陽也。妘音云。福陽子妘姓。始見春秋襄十經傳。出高陽陸終之後。路史後紀八。國名紀三。案。穀梁作傅陽。

本書地理志。楚國傅陽。故福陽國。莽曰輔陽。師古。福音福。路史注音扶目切。續郡國志注引左亦作福。蓋福輔傅為一音之轉。而福諸畺聲。福有福音。故二字通借。釋文列甫目彼力二反。然以音福為是。又釋文云。本或作逼。恐非。

楚屈建。屈建始見左襄廿二。春秋襄廿五。楚語上。即楚令尹子木。左襄廿五。廿六。七。晉語八。楚語。屈蕩之子。到。字子夕。

到之子建。章杜注。屈蕩見左宣十二。屈到子夕見襄十五楚語。案春秋分記謂屈瑕子邊。屈禦寇息公子。邊見左傳廿五。邊子朱。息公子朱。見左文三。朱子蕩而高氏

始名考謂蕩是屈完子未定所從。

魯臧堅。臧堅惟見左襄十七。臧紇之族。杜注。為齊所獲。以杙抉其傷而死。襄十

宋華臣。華臣始見左襄九。華元子。杜注。

晉叔魚。依毛馬本。他本作漁。叔魚始見左昭十三。晉語八。即羊舌鮒。昭十叔向弟。章杜注。亦曰叔鮒。昭十虎目豕喙。鳶肩

牛腹。晉語。為邢侯所殺。復尸于市。昭十四。晉語九。

齊崔杼。崔杼始見左宣十。春秋成十八。齊丁公嫡子季子讓國叔乙。食采于崔。生穆伯。左襄廿五云。崔出自丁。廣韻注云。丁公之

子食采于崔。因以為氏。穆伯生沃。沃生野。八世孫天。天見左傳廿八。天生杼。並唐表七十二下。通志氏族略三路史後紀。四注而淮南說林注以杼為野之子。恐非。是為崔武子。左襄廿

三。廿亦曰崔子。襄廿三。廿五。廿七。論語。慶封攻滅崔氏。縊死。襄廿七。又以其棺尸于市。襄廿八。距其死凡十六月。



慶封。慶封始見左成十八，春秋襄廿七，慶克之子。杜字子家。左襄廿八。又字季，故曰慶季。襄廿七，廿八。楚靈王殺之。

左昭四。案崔慶弑君之賊，當列下下。

慶嗣。慶嗣惟見左襄廿八，字子息。同慶封之族。杜注。

吳遏。壽夢子。吳子遏始見春秋襄廿五，壽夢子始見史吳世家，即諸樊。左襄十四，廿五。遏又作謁。公穀經襄廿五，公羊傳廿九。為巢

牛臣射死。襄廿五。

晉平公彪。悼公子。晉平公始見檀弓下，左襄十六，春秋昭十，晉語八，名彪始見襄十八，昭十，悼公子始見

史晉世家，母悼夫人，杞女。左襄廿九及注。亦曰晉平。抱朴子逸民。立二十六年。侯表世家。

陳桓子。依釋史本，各本增齊字。陳桓子始見左莊廿二，即陳無宇。始見左襄六，史田完世家陳作田。文子生桓子，有力。世家。

衛襄公惡。獻公子。衛襄公惡始見左襄卅一，春秋昭七，獻公子始見史衛世家，亦曰文祖。左哀二，晉語九。立九年。侯表。

世家。

曹平公。武公子。曹平公始見春秋昭十八經傳。武公子始見史。曹世家名須。昭十八經世家誤作頃。立四年。侯表世家。

北燕伯款。案款即簡公。見後第六等。此蓋錯認為兩人而重出也。

陳惠公。哀公孫。陳惠公始見春秋定四。魯語下。哀公孫始見史。侯表。悼太子偃師之子。左昭八及十三。偃師見左襄廿五。名吳。

昭十三定四經傳。亦曰孫吳。昭八及十一。楚靈王滅陳。五歲。惠公立。探續哀公卒年為元。二十八年卒。陳世家侯表。

鄭孔張。孔張始見左昭十六。鄭穆公之子。公子嘉。子孔。子孔之子。公孫洩。洩之子。張。左襄八、九。昭七及注。春秋分記。孔氏以王父字。

為氏。是為公孫申。亦曰子張。杜世族譜分記。案分記謂鄭羽氏穆公子翬生公孫申。即羽頡之父。為孔張從父。似不

應同名。但七穆中名字相同者甚多。子良、子孔、子游、子然、子石各二。名段名印各二。又有名良者。即子張亦二。則兩公孫申不足怪。左成四年。鄭公孫申帥師疆許田。乃別一人也。

周原伯魯。原伯魯始見左昭十八。文王子原伯之後。本封絕滅。食采畿內。左僖廿四疏。



齊景公杵臼。嚴公弟。齊景公始見左襄廿五、春秋哀五、論語。名杵臼。始見哀五。莊公弟始見史侯表。齊世

家。母穆孟姬。左昭十。叔孫宣伯女。宣伯納女于靈公。生景公。襄廿五。立五十八年。史記。葬臨淄縣東南。一統志。與桓公

冢同處。世家集解引皇覽。

裔款。裔款始見左昭廿、晏子春秋諫上、雜上。說苑正諫款誤敖。蓋卽艾孔。晏子諫上、通志氏族略三以爲一人。案。款與梁丘據皆齊

景公嬖臣。當同列第八等。

許男。許男始見春秋昭四經傳。卽悼公買。昭十九經傳。僖公業卒。子昭公錫我立。卒。子靈公甯立。卒。子悼公立。

杜世族譜、春秋分記。昭公見宣十七經。靈公見左成二十五及襄廿六經傳。靈公遷葉。悼公遷夷。又遷于白羽。成十五、昭九及十八經傳、世族譜。悼公瘡。飲太子止之藥卒。

昭十九。

燕共公。二十七世。燕共公始見史侯表。燕世家立五年。同上。

楚太子建。太子建始見左昭十九。楚平王太子。楚語下注、杜注。母鄖陽封人之女。昭十九史楚世家云蔡女。亦曰王子建。昭廿六。亦

曰楚建。昭廿。字子木。為鄭所殺。左哀十六。葬安平縣大棘鄉。水經陰溝水注。

燕平公。二十八世。上。燕平公始見侯表、世家。立十九年。同。

專諸。專諸始見戰國魏策、呂氏春秋論威。吳堂邑人。史刺客傳。專姓。廣韻注。又作鱒。左昭二十、廿七。又作刺。本書賈誼司馬相如傳。亦曰

鱒。設諸。左傳。其貌確頰深目。虎膺熊背。吳越春秋一。因刺吳王僚。鉞交于胸。為左右所殺。昭廿七刺客傳。

秦哀公。景公子。秦哀公始見左定四、春秋定九。史侯表譌襄公。景公子始見史秦紀。又作畢公。秦記而索隱引作理。又作柏公。吳越

春秋闕閭內傳。立三十六年。秦紀、秦記、侯表。葬車里北。秦記。

楚昭王。平王子。楚昭王始見左昭廿六、楚語下。平王子始見昭廿六。母秦嬴。昭十九、廿六。名壬。昭廿六御覽太子部引作任。又名

軫。春秋哀六。又作珍。侯表、楚世家。又作熊珍。世家、楚語注、呂覽高義注並同。亦曰楚昭。後漢李膺傳。遷于郢都。左定六。立二十七年。史記。葬沮水南。水經沮水注而渚宮



舊事云墓在江陵西北百里沮水之西文選魏王粲登樓賦齊謝朓暫使下都詩注並云墓在當陽東南七十里

鍾建。鍾建始見左定四。案昭王不應降居第七建為功臣亦不當在下上。

鄭獻公禹。定公子。鄭獻公始見春秋定九定公子始見史鄭世家立十三年。侯表案獻之名經史皆作薑。

公羊作囓同此作禹疑誤。

宋景公兜欒。元公子。景公始見左定六元公子始見左昭廿五亦曰宋景。後書楊賜傳母曰景曹小邾女。哀廿三立

四十八年。據左傳而史侯表宋世家作六十四六國表作六十六並誤案左昭二十廿五景公名欒金石錄作繅而史作頭曼此作兜欒蓋

頭兜古通欒曼音近呼之有單複耳。

宋中幾。宋仲幾始見左昭廿二春秋昭卅二又作機。公羊定元釋文字子然。春秋分記通志氏族略四宋莊公子為公子成。左文七及

注孫為公孫師。成十五及注而疏引世本云莊公生右師戊戌生司城師成戌字相狀必有一誤師之子仲江。襄十四及注江孫幾。昭廿二注其父無考

齊高張。高張始見春秋昭廿九經傳即高昭子。左哀五高偃之子。杜注偃見昭十二經傳襄廿九傳作鄒敬仲生莊子莊子生傾

子傾子之孫武子偃。襄廿九、昭十二疏引世本。疏曰：據世本，偃為敬仲玄孫。傳云曾孫，必有一誤。又莊子名虎，見唐表七十一下，分記云：武子不詳其禰。張亦曰高子。定元。

榮駕鵝。師古曰：駕音加。榮駕鵝始見左定元，即榮成伯。左襄廿八，魯語下。亦曰榮成子。魯語。名欒，聲伯之子。章注：榮氏，潛夫志氏姓。其

邑也。宋王當春秋臣傳。案世族譜以成伯為叔肸曾孫，程氏分記謂成伯、叔老子，則是子叔聲伯之孫矣。與章注

異，未知孰是。叔老始見春秋襄十四。駕駕二字疑古，因同音通用。故今本左傳作駕，而唐、宋、石經並作駕。且定元傳及

杜譜釋文作駕，而杜襄廿八注及釋文又作駕。類篇集韻皆見駕字注。山海中山經云：青要之山多駕鳥。

郭注或曰當作駕。史司馬相如傳子虛賦云：弋白鵠，連駕鵝。本書文選作駕。此通用之證。日知錄言駕誤作駕，非錢宮詹金

石文跋尾再續謂說文無駕字，當用鳴假借作駕也。

秦惠公。哀公孫。秦惠公始見春秋哀四，哀公太子夷公子始見史秦紀立十年。秦紀、秦記、侯表。葬車里。秦記。

鄭聲公勝。獻公孫。鄭聲公勝、獻公子始見史侯表，鄭世家亦曰鄭勝。左哀二。立三十八年。侯表而世家作三十七年。

趙簡子。武子孫。趙簡子始見左昭廿五，晉語九，即趙鞅。始見昭廿五經。又名志父。左哀二及十七、二十、晉語。亦曰趙孟。始見昭廿九。亦曰簡



主。戰國趙策。敦頤而土色。呂覽達鬱。葬臨水縣西。博物志而一統志云。墓在直隸廣平府邯鄲縣西南十二里。

案。鞅乃景子成之子。文子武之孫。此云武

子孫。誤。趙無武子也。

韓悼子。宣子子。韓貞子、宣子子。始見史韓世家。即韓須。左昭二五。一諡平子。世家索隱引世本說苑敬慎。徙居平陽。世家而世本云景子。竹書云武子。

案。悼當作貞。猶前變貞子之譌悼子也。後文韓康子注稱貞子。則此譌悼無疑。

齊國夏。齊國夏始見春秋定四、左哀六。即國惠子。哀五六。國佐之子國弱景子。左成十八、襄廿六。弱之子夏。春秋

分記。杜定七注云。國佐孫。

桑掩胥。桑掩胥惟見左哀十一。

魯哀公。定公子。依釋史本各本注脫。哀公屢見禮記、論語。定公子始見史魯世家。母定嬖。春秋定十五公。穀二傳。穀梁嬖作弋。名蔣。世家索隱引世本。本書律

厥志。呂氏春秋先己注。杜世族譜。左。穀哀元疏及釋文。又作將。侯表世家。亦日出公。後文悼公注。立二十七年。史記。墓在東平府。九域志。

齊晏孺子。師古曰。即安孺子也。安孺子始見左哀六。杜注。安號也。又作晏。史侯表。齊田完世家。古通。名荼。左哀五。春秋哀六。公羊作舍。蓋舍有舒音。假借用字。不然齊昭公子名舍。于景公為從祖。

不應其子。景公子母鬻姬。哀五六世家作芮姬。又作芮子。集解作粥子。晏子春秋諫上云。瀆于人納女子景公生荼。元年十月陳乞使朱毛弑之。葬父冒瀆。齊世家哀六。

高昭子。案高昭子即高張。已見前。此蓋陳昭子之譌。故與田恆上下相連。非重見也。表稱陳為田。遂譌田為高。陳莊見

左哀十一。謚昭子。僖子乞之子。成子恆之兄。哀十四注疏引世本甚明。而金耀辰云。昭當作襄。昭十九經

傳有高發。春秋分記以為高偃子。高張弟。謚襄子。疑是此人。

楚惠王章。昭王子。惠王始見左哀十六。名章。昭王子。始見哀六。母越女。同。亦曰獻惠王。墨子貴義。亦曰熊章。呂覽慎勢。

注。渚宮舊事。立五十七年。史六國表。楚世家。

申鳴。申鳴始見韓詩外傳十。說苑立節。御覽忠勇部引作新序。勇而孝。殺白公。以父死自刎。同。案申鳴不應屈在

七等。

孔文子。案孔圉已列前第四。此必南文子之譌。故敍于公子郢後。學林謂孔文子為仲尼稱美。不當居七等。固非。而或以為重出。亦非。猶說苑復恩之譌作甯文子也。權謀篇作南。南文子始見左哀廿五。六戰國衛

策。文子父郢。字子南。故為南氏。南氏見哀廿五。檀弓上疏引世本曰。昭子郢生文子木。即公孫彌牟。亦曰子之。並見哀廿



五、亦曰將軍文子。大載禮亦曰將軍文氏。檀弓亦曰子南彌牟。水經汝水注引汲郡古文、史周紀集解

大叔疾。大叔疾始見左哀十一。諡悼子。同即世叔齊。春秋哀十一大叔儀孫為大叔懿子申。昭卅二、哀十一經傳、杜世族譜、儀之子無考、表

不列申。懿子聘晉悼公子懋女。生悼子。死葬少禘。哀十一

陳轅頗。陳轅頗始見春秋哀十一。經傳。轅濤塗生選。選生聲子突。突生惠子雅。雅生頗。唐表七十四下

蔡成公。昭公子。蔡成侯。昭侯子。始見史侯表。蔡世家。名朔。立十九年。同上、六國表案。兩公字當作侯。水經淮水注作

公。成

齊平公驚。簡公子、依釋史本、各本驚譌驚齊平公驚始見史侯表。六國表。齊田完世家。索隱云、系本及譙周驚作敬、誤立二十五年。表及齊世家

案。兩世家以平為簡弟。此云簡公子。恐與侯表作景公子同誤。

厥黨童子。師古曰、即闕黨童子也闕黨童子惟見論語。

革子成師古曰即棘子成也棘子成惟見論語棘姓廣韻注案棘革古通三國志秦宓傳亦作革子成史高祖功臣

表養棗侯棘朱本書侯表及水經注八並作革朱詩匪棘其欲禮器引作匪革其猶

元王赤敬王子依釋史本各本增周字元王赤始見史周紀六國表集解索隱引世本敬王子始見周紀又名仁同七年崩上

竹書而史作八年左哀十九疏引杜譜作十年並非

晉出公定公子晉出公定公子始見六國表晉世家名鑿索隱引世本及世家又作錯六國表立二十三年竹書而表作十八世家作十七集解

或作二十並非

公之魚 公之魚惟見史孔子世家

宋桓魋 桓魋始見左哀十三論語潛夫論逞利作相魋恐譌即向魋左定十哀十三十四亦曰桓司馬哀十四蓋以向桓氏出桓公故向戌

之孫檀弓注戌生東鄰叔子超超生左師眇檀弓疏引世本眇即向巢魋是巢弟檀弓疏本杜注魋兄巢也葬泗水南鑿石為冢水經泗水注



書地形志云在彭城

案杜昭十九注云向寧向戌子昭二十傳云向寧之子羅定十向巢注云巢向戌曾孫故春秋

分記曰戌生寧寧生羅羅生魑與鄭注異蓋杜不從世本也

世族譜謂向寧向戌曾孫誤

但分記言戌生五子曰勝曰宜

曰鄭曰行曰寧羅亦生五子曰巢曰魑曰順曰子車曰牛獨未見超名何歟

匡人匡人始見論語亦曰匡簡子

說苑雜言韓詩外傳六無匡字家語困誓匡字下有人字

案魑與匡人宜置下下

貞定王元王子

貞定王始見御覽八十五引史記元王子始見周紀亦曰貞王

周紀集解引世本

亦曰定王

周語下今本周紀六

國表章杜索隱並云定當為貞

名介世本又名應集解引皇甫謐

二十八年崩史記

案世本及皇甫謐以元王為貞王子年數亦互易左

哀十九疏釋文皆兩存其說而未能定恐不可從

晉哀公忌

晉哀公忌始見史六國表

案晉繼出公而立者表次哀公忌次懿公驕

據索隱正義今本脫去

世家出

公死立昭公會孫哀公驕趙世家立昭公會孫懿公驕竹書立昭公孫敬公其不同一也索隱正義引表哀公二年懿公十七年世家昭公子雍生忌早死立其子驕十八年卒竹書敬公二十二年卒其不同二也考索隱正義引世本云昭公生桓子雍雍生忌忌生懿公驕與晉趙世家稱驕為昭公會孫合是哀公忌乃懿公驕之父忌早死未立哀公之號蓋懿公追諡之而驕又諡敬世家誤以驕為哀公竹書誤以敬

公為昭之孫也。此表不列懿公。而于後晉幽公注云：懿公子。未免疏脫。忌本無年。則懿公之年。上下計算。

當依竹書為確。左傳末杜注亦誤。

智伯。知伯始見左哀廿三。晉語九。即荀瑤。哀廿三。廿七。是為知襄子。晉語。知瑩子盈。左襄十四。盈子躒。左昭九。躒子宣子甲。

甲子瑤。晉語。而呂氏春秋當染注譌甲為申。瑤又作搖。墨子所染。又作繇。淮南脩務許慎注。美鬢長大。晉語。殺于鑿臺之上。戰國秦策。臺在榆次。趙襄子漆其頭

以為飲器。史刺客傳本于呂覽義賞韓子難三淮南道應。

齊宣公。平公子。齊宣公。平公子。始見六國表。齊世家。名積。又名就。而立五十一年。同上。

蔡元侯。聲侯子。蔡元侯。聲侯子。始見六國表。蔡世家。立六年。同上。

衛悼公。出公叔父。依釋史本。各本父字譌子。悼公始見左哀廿六。出公季父始見史衛世家。蒯聩庶弟。杜注。名黔。六國表。世家。又名虔。

世家索隱。又作黠。呂氏春秋。立五年。史記。而索隱引紀年作四年。古史作十八年。



衛敬公悼公子始見六國表世家名費集解引又作弗世家疑譌立十九年史記

西周桓公考王弟始見史周紀索隱引世本考王弟始見周紀名揭世本及正義引世紀封于河南周紀

魯元公悼公子始見檀弓上下疏引世本悼公子始見史魯世家名嘉世本世家立二十一年六國表世家

周威公桓公子始見莊子達生呂氏春秋先識博志桓公子始見史周紀呂先識注誤名竈莊釋文

東周惠公威公子始見周紀索隱引世本名班世本又作子班趙世家正義又名根韓子內儲說下而六國表集解引紀年謂惠公名傑非傑

乃惠公子昭文君之名也案紀威公子惠公封其少子于鞏號東周惠公則父子同諡惠而班乃威公孫也此作威公

子誤

秦靈公懷公孫始見史秦紀懷公太子昭子之子秦紀六國表而秦記六國表又云懷公生靈公誤又作肅靈公居涇陽

秦立十年記表而紀作十三年誤

晉烈公幽公子依釋史本各本作列侯非

晉烈公、幽公子始見史晉世家

六國表作幽公弟誤

亦曰烈成公

世家索隱引世本

名止立二十七年

史記、竹書

宋悼公昭公子

宋悼公始見六國表、宋世家、昭公子始見世家、名購由立八年

同上而索隱引紀年作十八、皇王大紀作二十八並非

楚悼王聲王子

楚悼王始見戰國秦策、聲王子始見史楚世家、名類

六國表

又名熊疑

世家

亦曰楚悼

秦策

立二十

一年史記

韓相俠綮

韓相俠累始見六國表、韓世家、刺客傳

表集解一作法其恐非

即韓傀

戰國魏韓策

俠姓

廣韻注

傀又作廙

韓子內諸說

又

作僇藝文類聚為聶政刺殺國策

宋休公悼公子

宋休公、悼公子始見六國表、世家、名田立二十三年

同上

晉孝公烈公子

晉孝公、烈公子始見六國表、晉世家、亦曰桓公

竹書索隱曰韓子有晉桓侯

名傾

索隱引世本及六國表、竹書作頃今本史注譌作傾欣

又



名頤。世家遷屯留。竹書案表謂孝公十五年。世家謂十七年。而竹書于孝公廿三年書遷屯留。當烈王六年孝公未

卒也。其子靜公立。二年滅。竹書顯王十年有鄭取屯留之文。疑孝公在位三十二年。

秦出公。惠公子秦出公始見史秦記。六國表。惠公子始見秦紀。亦曰少主。秦記索隱引世本亦曰小主。呂氏春秋當賞亦曰出

子。秦紀立二年見殺。同上。蓋年四五歲。秦記云自殺。恐非。葬雍。秦記

楚肅王。悼王子楚肅王、悼王子始見六國表。楚世家名臧。立十一年。同上

韓懿侯。哀侯子懿侯、哀侯子始見六國表。韓世家名若。竹書索隱引作若山非立十二年。史記案表懿一作莊。竹書于韓

山堅賊哀侯後。敍韓共侯。懿侯在一年之內。而史無共侯。疑莊侯即韓山堅。史稱韓嚴共侯即莊侯。別是一人。

蓋篡立未久而死。懿公嗣位。削其年不數之。

魯共公。繆公子魯共公、穆公子始見六國表。魯世家。本書律曆志作恭公。竹書作共侯名奮。立二十二年。世家而表誤作廿三年

龐涓。師古曰涓音工玄反龐涓始見戰國齊策。呂氏春秋自知。亦曰龐子。易林艮之升畢公高之後。封于龐。因氏焉。廣韻注通志氏

族略  
三。兵敗自殺。六國表、魏田完世家、蓋弩射殺之、齊策言禽、史孫子傳言自刎。

宋辟公。休公子。宋辟公、休公子始見六國表、宋世家。即宋桓侯。索隱引莊子紀年。名辟兵。世家、又索隱引紀年作璧。亦曰辟公兵。世家集解。

立三年。史記。案。諡法無辟亦斷無以名為諡之理。蓋仍史誤。

衛聲公。慎公子。衛聲公、慎公子始見六國表、衛世家。名訓。世家、又作馴。索隱、又作聖公馳。索隱引世本。立十一年。史記。錢

宮詹曰。廣韻引風俗通云。聖者聲也。周禮地官土訓。鄭司農讀為馴。史五帝紀五品不馴。後書鄧禹、周舉

傳作不訓。皆古通用字。馳蓋馴之譌。春秋文七聲。姜公羊作聖。

楚唐蔑。唐蔑始見商子弱民、荀子議兵、呂氏春秋處方。同。蔑。楚策、史秦紀、六國表、楚韓世家、屈原傳、味蔑古通、各本譌味。又作唐昧。

策。趙亦曰唐子。韓詩外傳四。兵敗見殺。並同上。

衛成公。聲公子。成侯始見荀子王制、韓子內儲上。聲公子始見衛世家。名速。世家、又作遯。索隱、又名不逝。索隱引世本、又辨之。



云。穆公已名邀，不可。立二十九年。六國表，世家。成侯更名世本是也。

作成公非也。下平公並非。

楚宣王。肅王子。楚宣王始見六國表。楚世家亦曰荆宣王。楚策。名良夫。六國表。又作熊良夫。世家。立三十年。史記。案世

家云。肅王無子。立其弟宣王。則此言子誤。

魯康公。共公子。依釋史。本各本注脫。魯康公、共公子始見六國表。魯世家名屯。世家。又作毛。本書律。麻志。立九年。並同上。案毛字疑

譌。太山屯莫如傳施讎易。而杜欽李尋儒林傳並作毛莫如。河別出為屯氏河。而其後稱毛氏河。遂置毛

州。詳困學紀聞十二。其誤政同。

魯景公。康公子。魯景公、康公子始見表及世家。名偃。表及律。麻志。立二十九年。並同上。

唐尙。唐尙惟見呂氏春秋士容。

楚威王。宣王子。依釋史。本各本注脫。楚威王始見戰國齊、楚策。宣王子始見楚世家。名熊商。六國表。世家。亦曰荆威王。呂覽。去宥。亦

曰郢威王。秦策。立十一年。史記。葬壽春東鳧陵亢。越絕。二。

衛平公成公子。衛平侯、成侯子。始見六國表。衛世家立八年。同上。

衛嗣君平公子。衛嗣君始見衛策。荀子王制、韓子內儲上、韓詩外傳三稱嗣公、非、呂氏春秋務本、諡大、審應、務大並作嗣君、史記同。平侯子始見世家。即孝襄侯。索隱引紀

年。更貶號曰君。世家、呂注以爲秦貶之。立四十二年。表及世家。

魯平公景公子。魯平公始見孟子。景公子始見世家。名旅。索隱引世本及律厯志。又作叔。世家立二十年。律厯志而表作十九。世家作二十二、並非。

燕王噲三十八世。燕王噲始見燕策。易王子。燕世家。亦曰燕噲。燕策、韓子、齊策、孟子、韓難四。亦曰子噲。齊策、孟子、韓難四。亦曰君噲。六國表。立七年。

齊伐燕殺之。史表、燕策。

子之。子之始見齊、魏、燕策。孟子。齊師殺之。醢其身。竹書、而燕策及世家云。齊勝燕子之亡、恐非。錢宮詹曰。表例。亡國之君。篡弑

之臣。皆在下下。此處燕噲、子之二人乃在第七等。即楚懷、靳尚亦當與鄭袖同等。而誤入第七。蓋此數行刊本差錯。並宜退下兩格。

楚懷王威王子。楚懷王始見楚策。威王子始見楚世家。名槐。六國表。又作熊槐。世家。而宋方勺泊宅編、姚寬西溪叢語據秦詛楚文。謂名熊相。宋歐陽脩六一



隨賦董道廣川書跋又  
請熊相是頃襄並非  
立三十年卒于秦  
史記而賈誼新書春秋篇云  
懷王逃秦克尹殺之西河  
葬鳧陵亢  
越絕

靳尙  
靳尙始見楚策為張旄所刺  
上同

魏昭王  
哀王子  
魏昭王始見趙策呂覽審應哀王子始見魏世家  
哀當名邀世家范睢傳  
又名彤唐書京兆王氏表通志氏族略

四  
立十九年  
六國表世家

魯愍公  
平公子  
湣公始見魯世家索隱引世本  
同平公子始見世家湣又作緡律麻志又作文公世家六國表誤作文侯名

賈立二十三年  
並同上

楚頃襄王  
懷王子  
頃襄王始見秦策懷王子始見齊楚策名橫亦曰襄王  
楚策楚世家亦曰傾王魯世家亦曰傾襄

淮南  
主術  
兵散徙陳  
世家白起傳  
立三十六年  
六國表世家  
葬鳧陵亢  
越絕

衛懷君  
嗣君子  
衛懷君嗣君子始見六國表衛世家立三十一年魏囚殺之  
世家而表作三十年誤

齊襄王愨王子

襄王、閔王子始見齊策名法章立十九年六國表田完世家

燕惠王四十世昭王子

燕惠王始見燕策昭王子始見燕世家立七年六國表世家為燕將成安君公孫操所弑趙世家

韓釐王襄王子

韓釐王、襄王子始見六國表韓世家即公子咎亦曰韓咎亦曰鄭王韓策立二十三年史記

魏安釐王昭王子

魏安釐王始見趙策昭王子始見魏世家名圉索隱引世本立三十四年六國表世家

燕武成王惠王子

燕武成王始見六國表世家立十四年同上案表例燕以世數此似缺四十一世四字又

武成為惠子史無明文表蓋別有所據

趙孝成王惠文王子

趙孝成王始見荀子議兵惠文王子始見趙世家名丹世家立二十一年六國表世家葬邯鄲西

北二十里一統志

燕孝王四十二世武成王子

燕孝王、武成王子始見表及世家立三年同上



李園 李園始見楚策趙人上同楚幽王盡滅其家列女傳案園當列九等

魯頃公為楚所滅魯頃公為楚所滅始見六國表魯世家名雝文公子立二十四年楚考烈王八年封于莒

後五年滅之遷卞邑為家人卒于柯同上頃亦作傾

魏景湣王安釐王子魏景湣王安釐王子始見六國表魏世家名增世家又名午索隱引世本立十五年史記

趙悼襄王孝成王子趙悼襄王孝成王子始見六國表趙世家鸚冠子世賢作卓襄王名偃立九年同上亦曰襄王史樂毅傳葬邯

鄆西北二十里一統志

衛君角為秦所滅衛君角始見六國表衛世家立二十一年秦二世廢為庶人同上列國衛最後滅

董翳 董翳始見史始皇紀又作醫三輔黃圖董狐之裔唐表董氏世系立為翟王史項羽高祖紀月表自到汜水上項高紀

司馬欣 司馬欣始見始皇紀黃圖作忻立為塞王項羽紀月表到汜水上梟頭櫟陽市項高紀墓在耀州富平縣西二

十五里。寰宇記  
三十一。

案雍、塞、翟號三秦。表不列雍王章邯。何也。



漢書人表考卷八

下中

朱堯子胤子始見書堯典即丹朱書益稷又作絃說文引虞書朱名孔傳丹是國孔疏堯讓天下于虞使子朱處丹淵為

諸侯本書律歷志下舜封為房邑侯廣韻注禹封之唐史五帝紀集解引譙周亦曰帝丹朱山海海內南經母女皇史索隱正義引世紀而路史後紀十一注以為出世本帝系漢書

子陵廣韻注案孔傳胤國子爵疏言古有胤國求官而薦太子以下愚為啓明揆之人情必不然此說殊

謬五帝紀作嗣子丹朱孟子趙注呂氏春秋去私高注並稱丹朱胤嗣之子也路史注以安國為妄又朱之葬寰宇記

五十五謂在相州永定縣東與路史以為在蕪陽同一統志以為在保定府慶都縣東門外則山海經謂在蒼梧之陰非矣

闕伯

實沈二人始見左襄九昭元晉語四闕又作遏路史後紀十高辛氏二子伯曰闕伯季曰實沈居於曠林不

相能帝遷闕伯商丘主辰遷實沈大夏主參昭元宋紹興十年封闕伯為商丘宣明王宋史高宗紀

女志。鮪妃有髮氏女生禹。師古曰。髮音所巾反。 緜娶有莘氏子。謂之女志。生禹。始見大戴禮帝繫。史夏紀索隱引世本。志又作姝。

廣韻。亦曰女嬉。吳越春秋。無余外傳。 亦曰女狄。說郛遁甲。開山圖。 是為脩己。史五帝紀索隱引禮緯。夏紀正義引世紀。御覽八十二引尚書帝命。驗。宋書符瑞志。而御覽引孝經鉤命決。潛夫論五德志。劉晝新論命。

相作脩紀。案山海大荒南經有緜妻士敬。當別一人。朱均之母。皆列第三。志無失德。而誕生聖子。獨置之下。

中何哉。

鼓窆。孺牛子。生舜。 瞽始見書堯典。大禹謨。瞽瞍始見大禹謨。孺牛產瞽叟。瞽叟產舜。始見帝繫。瞽鼓也。瞑瞑然

目平合如鼓皮也。釋名。窆。古叟字。 案孔傳。舜父有目。不能分別好惡。時人謂之瞽。配字曰瞍。此說恐非。堯典瞽子。

五帝紀作盲者子。故路史後紀十二稱天瞽。又呂氏春秋古樂言瞽叟為堯拊五絃之瑟。作十五絃。皆無目之驗。而瞍與瞽同義。似當作叟為是。帝繫。五帝紀。世表。墨子非儒。呂古樂皆作叟。本書律歷志下同。 此表窆字。或

以古文示意歟。

象。舜弟。象始見堯典。舜弟始見孟子。瞽叟後妻子。五帝紀。 封于有庠。孟子。本書鄒陽傳。謂之鼻天子。水經濠水注。 與丹朱



稱朱象。荀子正論。鄒陽傳。

商均。舜子。商均、舜子始見楚語上、孟子、五帝紀、女英所生。禮檀弓上疏、史集解引世紀。封于商。章注、竹書。禹封于虞。史集解引譙周。亦曰

義鈞。竹書而山海海內經云、帝俊生三身、三身生義均。亦曰叔均。山海大荒南經。葬蒼梧九疑之陰。大荒南經、水經湘水注。一名章鷁。金樓子。

太康。啓子、昆弟五人。號五觀、一木作兄弟。太康始見書五子之歌。啓子始見史夏紀。居斟鄩。竹書。在位二十九年。失政而崩。路史後紀。

十四引世紀、外紀、通志並從之、而竹書作四年、路史注、或作十二年。葬陳州太康縣東南二里。一統志。案逸周書嘗麥之五子。楚語上、韓子說疑之

五觀。即竹書啓季子武觀。墨子非樂下篇有武觀。非五子之歌五人也。五人乃太康之子。離騷可據。自班氏誤以為太

康兄弟。偽孔傳襲之。潛夫五德志、章注楚語、水經巨洋水注仍其說。辨見史記志疑二。

羲和。師古曰、即廢時亂日、胤往征之者也。羲和始見書胤征。吳仁傑以為即斟灌斟尋、妄也。

逢門子。逢門子始見本書王褒傳聖主得賢臣頌。廣韻門字注、通志氏族略三引作逢門子豹。即逢蒙。孟子、荀子富國、蒙門乃一音之轉。又作蓬蒙。莊子

山。又作逢蒙。荀子王霸、正論、呂覽聽言、史龜策傳及集解引。又作逢蒙。呂覽亦曰逢須。鹽鐵論亦曰逢蒙子。淮南原道而

引作逢蒙。案逢字有符容蒲蒙二音。即通借蓬蓬可見。又叶音房。唐以後始分別逢姓從夆。音薄江切。匡謬

正俗、廣韻俱判為兩字。然不盡從之。故石經左傳凡逢姓皆作逢。釋文無音。表中逢門子。逢公伯陵。路史

紀一以逢蒙為逢。逢伯、逢大夫、逢丑父、逢滑並作逢迎之逢。自宜讀如本字逢音。其通讀也。匡謬正俗謂逢

姓音龐。無據。國語補音、宋孫奭孟子音義并廣韻注于逢伯、逢蒙、逢丑父俱祇音薄江反。廣韻宋郭忠恕

佩觿辨證、元李文仲字鑑均以從夆為誤。蓋失之矣。又夷羿、逢門皆篡弑之賊。何以一在第八。一在第九。

當置逢門九等。

豷。師古曰。豷音許冀反。豷始見左襄四。又作豷。潛夫五。寒浞因羿室生澆及豷。處豷于戈。杜注。豷澆弟。戈。豷國。后杼滅之。襄四。哀元。

柏封叔。伯封始見左昭廿八。后變取玄妻所生。實有豕心。謂之封豕。羿滅之。案叔字衍。

癸。發子是。為桀。桀始見書湯誓。發子履癸。是為桀。始見史夏紀、世表。竹書癸。長巨姣美。荀子。垂腴尺餘。論衡。筋力



越勁。荀子。別解仲鉤。索鐵歛金。淮南主術。自謂天父。路史注引買子。今本新書大政上作天子。似譌也。亦曰夏桀。詩長發。亦曰夏癸。張衡東京賦。亦曰大犧。

呂氏春秋簡選高誘注云。桀多力。能推移大犧。因以為號。然非也。誘蓋本淮南為說。案晏子春秋諫上曰。夏之衰。有推侈。大戲。殷之衰。有費仲。惡來。墨子明鬼曰。推侈。大戲。主別兕虎。湯禽推侈。大戲。則大犧是桀臣之名。路史後紀十四注以軍旗解之。亦非。  
居掛

尋。楚辭天問。竹書王逸注誤。在位三十一年。竹書而外紀。通志作五十一。路史作四十三。注謂或云五十二。或云五十三。或云十二。湯放于南巢。書仲虺之誥。以乙卯日亡。

檀弓。上注。三年卒亭山。竹書。案此表及竹書單稱癸。甚是。史誤多履字。湯名曰履。豈有君臣同名之理乎。至索隱

引世本皋生發及桀。恐非。左僖卅二杜注。呂氏春秋音初。當染。不侵高注。俱不從世本也。又學林三言表桀在九等。今本皆列第八。當是轉寫之譌。

末嬉。桀妃。末嬉始見呂覽慎大。本作妹喜。晉語一。又作末喜。荀子解蔽。史外戚世家。又作妹嬉。楚辭天問。未為妹之省。似宜從未。諸書作末。恐非。亦曰妖

喜。路史後紀十四。桀伐有施。有施人女焉。晉語。有施。喜姓之國。章注。案妹喜。妲己之亡國一也。奚獨喜居第八。當置九

等。又天問云。桀伐蒙山。何所得。妹嬉何肆。湯何殛。王逸注。桀伐蒙山之國。而得妹嬉。考竹書。桀十四年伐

岷山。一作山民。沈約云。桀伐山民。山民女子。桀二人。曰琬。曰瑗。愛而無子。斲其名。苕華之玉。苕是琬。華是瑗。棄

其元妃。妹喜于洛。路史後紀同。故管子輕重甲篇。女華者。桀之所愛。韓子難四稱。桀索岷山之女。呂覽言

桀迷惑于末嬉。好彼琬琰。高注以琬順及美玉解之非。路史國名紀六謂蒙山即岷山。然則妹喜出有施之國。非蒙山氏

二女也。王逸誤。至說郭載河圖始開圖。孔甲見逢氏抱小女妹喜。悅之。以為太子履癸妃。則妄矣。

干莘。依釋史本。與困學紀聞十引表同。各本干譌于。干辛始見墨子所染。呂覽慎大。辛與莘同。故表兩見皆作莘。說苑尊賢亦作莘。而困學紀聞引表作辛也。抱朴子良規並作干辛。又作羊

辛。呂氏春秋當染。知度。困學紀聞及路史後紀十四同。今畢尙書校本改羊為干。案。說苑俗本干譌千。猶于之譌也。路史國名紀六謂干即邗溝。辛封

于邗。恐妄。

推侈。依毛馬本。各本推為雅。困學紀聞引表作雅。推侈始見晏子春秋諫上。賈誼新書連語。路史後紀十四注引晏作推。移賈子一本雖侈一本隰侯。又作推哆。墨子所染。

明鬼。抱朴子良規。又作侯侈。韓子說疑。又作惟多。路史注引呂氏春秋。今本無。又作推移。御覽三百廿五引呂俗本呂簡選篇缺。推字。畢校本補。淮南主術亦作推移。與崇侯虎並稱推。

崇。抱朴子崇教。湯禽之。墨明鬼。呂簡選。案。推惟雖雅與侈哆移多。皆音形相近。所傳不同。侯蓋其爵也。惟隰侯二字恐

譌。或以隰為封國。無據。

葛伯。師古曰。湯所征。葛伯始見商書。孟子黃帝後。姬姓。路史後紀五。國名紀一。



尹諧師古曰湯所誅見孔子家語

尹諧始見荀子宥坐湯誅之上同

案說苑指武湯誅蠋沐未知即尹諧否師古不引荀

子而稱班氏後之偽家語殊為失倫干莘四人準以費仲飛廉惡來左彊之例當在天下

序中以干辛為下愚乃列八

等誤也

武乙庚丁子

武乙、庚丁子始見史殷紀名瞿竹書去亳徙河北

殷紀自河北遷沫

竹書水經注九

在位三十五年

竹書而外紀通志作四年

慢神震死殷紀世表

大丁武乙子

太丁、武乙子始見殷紀名託居殷在位十三年

竹書而外紀通志作三年

案大丁不應重見此仍史誤

後書西羌

傳誤同竹書作文丁是也明程一枝史詮謂當作帝丁亦非

乙大丁子

帝乙始見易泰卦書酒誥左文二太丁子始見殷紀名羨

竹書亦曰辛乙

外紀通志

在位九年

竹書而外紀通志作三十

年七

案帝乙易辭兩見及書酒誥多士左文二哀九史殷紀世表從未有單稱乙者

外紀依此作乙

蓋班氏見史于

夏、殷諸王安加帝號。表中皆削不書。因認帝乙亦是以號連名。遂去帝字。而不知帝乙乃其名也。辨見史記志疑二哀

九杜注云。立為天子。故稱帝乙亦非。又書一則曰自成湯至于帝乙。成王畏相。一則曰自成湯至于帝乙。罔不明德恤祀。則帝

乙固殷之賢君。柰何置之下中等乎。蓋文二傳以帝乙與厲王類舉。猶上文鯀、契並言。不過雜述以明不

先祖父之義。班、馬似錯會其辭。故史云。帝乙立。殷益衰。表仍誤耳。杜注。帝乙不肖。尤誣。

祭公。祭公始見呂氏春秋音初。今本呂作蔡。古通。左僖四疏引作祭。扞于漢中。同上。案。逸周書祭公解。穆王稱謀父為祖祭公。

注云。昭穆于穆王在祖列。然則溺漢之祭公。是謀父之父。周公之子。即始封之祭君也。表似重列。

羊繇靡。師古曰。繇讀與由同。辛餘靡始見呂音初。古由餘同音通。用竹書亦作餘。繇又作游。史周紀正義引世紀。文選蜀都賦作遊。長臂多力。世紀。呂作長而多力。侯于西

翟為長公。音初。亦曰辛伯。竹書。案。餘靡疑辛甲之後。翟教授曰。祭公既與昭王俱扞漢水。餘靡且有振王之

功。表以二人同置八等。何耶。

魯幽公。煬公子。魯幽公始見史世表。煬公子始見魯世家。名字。世家。本書律。歷志。竹書。又名圉。世家索隱。引世本。立十四年見弑。世家。



齊哀公。癸公子。

哀公始見詩雞鳴及還序。公羊莊四。癸公子始見史齊世家。名不辰。

世家而索隱引世本作不臣恐誤。

又名昂。

竹書。周夷王烹之。

公羊世家竹書而鄭齊詩譜作懿王非。

密康公。密康公始見周語上。姬姓畿內國。

章注杜釋例盟會圖疏通志氏族略二以為姞姓非。

共王滅之。

周語而釋例以為宣王非。

墓在涇州靈臺。

氏族略

懿王堅。

穆王子詩作師古曰政道既衰怨刺之詩始作也。

懿王始見史周紀。世表名堅始見索隱引世本及世表。

紀作難外紀通志從之。

詩人作

刺始見紀。表在位二十五年。

竹書而外紀通志引皇甫謐作二十年。

年五十。

皇甫謐

案懿王為共王子。此云穆王誤也。紀表謂懿

王時周衰。詩人作刺。不言何詩。本書匈奴傳以采薇為懿王時詩。豈謂是歟。

孝王辟方。

共王弟師古曰辟音璧。

孝王辟方。共王弟。始見周紀。

世表作孝王方。懿王弟非也。然與十六世祖同名不可解。

在位九年。

竹書而外紀通志作十五。

年六十五。

外紀通志

夷王摺。

懿王子師古曰摺音雙。

夷王始見禮郊特牲。左昭廿六。懿王子始見周紀。在位八年。

竹書而紀正義引世紀云十六年。外紀通志云十五。或云六十。

年六十。外紀、通志墓在彭州九隴縣。寰宇紀七十三又云在蒙陽縣西北二十里然夷王何以葬蜀恐不可信

案禮疏引世本紀、表、世族譜、竹書皆言夷王

名燮。此獨作摺。蓋以音近而譌。

齊武公。獻公子依釋史本各本獻譌厲

齊武公、獻公子始見史十二侯表、齊世家。名壽。立二十六年。同上

杞題公。東樓子

杞題公始見史杞世家。案世家東樓公生西樓公。西樓公生題公。題蓋其名表無西樓。而以題

為東樓子。誤也。且前後僅列七君。亦所不解。因考春秋書侯。桓二書伯。莊廿七書子。僖廿三、廿七、襄廿九與始封公爵異。遷

淳于。遷緣陵。見隱四注與始封之杞又異。世家自周初至厲王流彘二百八十餘年。惟東、西樓、題公、謀娶公四

君。其可信乎。蓋杞國微弱。謂之夏肄。事多闕脫。無能詳知耳。

曹幽伯。夷伯子

曹幽伯始見侯表、曹世家。詩曹風疏引名彊。同上。毛本侯表及竹書作立九年見殺。同上案史作夷

伯弟。此言子似誤。

陳幽公。慎公子

陳幽公始見詩宛丘、東門之枌序。慎公子始見陳世家。名寧。立二十三年。侯表、世家



齊厲公武公子始見侯表、齊世家名無忌立九年以暴虐見殺同上

魯懿公武公子始見周語上魯世家名戲九年見殺周語侯表世家又名被本書律麻志

叔術叔術惟見公羊昭卅一邾顏之弟何注

盱盱惟見公羊昭卅一又作盱釋文案釋文言盱邾顏子是傳云叔術以顏夫人為妻有子謂之盱非也

曹戴伯幽伯子始見侯表世家名蘇世家竹書又作鮮侯表立三十年史記案史以戴為幽弟此言子似誤

曹惠伯戴伯子始見世家名雉侯表其稱惠公伯雉衍公字又名兕世家又或名弟或名弟兕世家集解立三十六

年史記

晉昭侯文侯子始見左桓二文侯子始見晉世家名伯世家亦曰昭公詩揚之水諸序立七年世家而侯表誤作六年潘父

弑之。桓二。

潘父。潘父惟見桓二。孝侯誅之。  
晉世家、竹書。

曹桓公。繆公子。曹桓公始見春秋桓十經傳。繆公子始見曹世家。名終生。春秋。又作終涅。世家集解。立五十五年。侯表。

世家。

蔡戴侯。共侯子。依繹史本。各本譌共公。蔡戴侯、共侯子。始見侯表、蔡世家。立十年。同上。

蔡宣侯。戴侯子。蔡宣侯、戴侯子。始見侯表、世家。名考父。春秋隱八。又作措父。史記一本侯表作措論。又作措論。恐譌。亦曰宣公。春秋。立三十

五年。史記。

鄭嚴公寤生。武公子。鄭莊公始見詩將仲子諸序、左隱元、春秋桓十一。名寤生。始見隱元、桓十一。武公子

始見鄭世家。武公娶于申曰武姜所生。隱元。亦單稱莊。周語中。立四十二年。侯表、世家。



叔段。叔段始見楚語上。莊公弟。三傳亦曰大叔。亦曰大叔段。亦曰共叔段。亦曰京城大叔。左隱元亦曰共叔。

隱元、莊十六、潛夫亦曰鄭叔。後書馬融傳亦單稱叔。詩將仲子序、叔于田二篇亦單稱段。春秋隱元經傳墓在衛州共城縣。寰宇記五十六

晉鄂侯。孝侯子鄂侯始見左隱六。名郤。侯表而晉世家及索隱引世本作郤。並同。至索隱云有本作都則譌也。亦曰翼侯。隱五立六年。史記案左桓二云。

翼人立孝侯弟鄂侯。此言子者。仍史之誤也。竹書同誤又隱五傳。曲沃莊伯伐翼。翼侯奔隨。王立哀侯。明年翼

人逆于隨而納諸鄂。謂之鄂侯。則其子哀侯之立。鄂侯未卒。其卒不知何時。史稱鄂侯六年卒。亦非。詩唐

譜疏已辨之。

宰咺。師古曰。咺音許遠反。宰咺惟見春秋隱元經傳。

宋殤公。宣公子始見左隱二。名與夷。隱三、春秋桓一立十年。為華督所弑。桓二

華督。華督氏始見左桓二。亦曰華父督。桓元、春秋桓二亦曰太宰督。左桓二、莊十二戴公孫好父說之子。左隱八、桓

二疏引世本而廣韻注、通志氏族略三作考父南宮萬殺之。莊十二案廣韻通志謂考父食采于華。因以為氏。而隱八疏謂華父是督

之字。未知孰是。督乃弑君之賊。當置下下。

蔡哀侯。桓侯弟。蔡哀侯始見左莊十。桓侯弟始見蔡世家。名獻舞。春秋莊十。穀梁作武古通。為楚文王所虜。留九歲。死于

楚。凡立二十年。侯表世家。案。杜注以哀侯即桓十七之蔡季。公羊何注云。桓侯無子。季賢而當立。桓侯欲立

獻舞。故季辟之陳。則杜誤合為一人也。

晉哀侯。鄂侯子。哀侯始見左隱五。晉語一。鄂侯生哀侯。始見左桓二。亦曰翼侯。桓名光。侯表晉世家。立九年。世家而表誤八

年。曲沃武公獲而殺之。桓三。晉語。

晉小子侯。哀侯子。晉小子侯始見左桓七。哀侯子始見世家。立四年。世家而侯表作三年誤。曲沃武公誘殺之。桓七。葬平陽

翼城縣東十五里。一統志。

秦出公曼。秦出公始見侯表。又作出子。憲公生出子。母魯姬子。正義謂德公母誤。生五歲立。饗國六年。居西陵。三

父等賊殺之。葬衙。秦紀。秦記。案。憲公史作寧公。徐廣云。一作曼。並憲字之譌。表當有憲公子三小字。傳寫脫



誤。以曼爲憲。又作大字。遂若出公名曼矣。

鄭厲公突。嚴公子。鄭厲公、莊公子。始見左桓十一、周語上。名突始見春秋桓十五。亦曰公子突。左隱九。母宋雍

姑。桓十。立四歲出。復入立七歲。侯表、鄭世家。案隱五傳鄭有曼伯、子元。稱曰二公子。杜以子元爲別一公子。故

世族譜在雜人。春秋分記謂曼伯、子元皆莊公子。厲公弟。而顧氏杜解補正據昭十一年莊公城櫟。寘子元之文。疑子元卽厲公字。顧說似勝。

夫人哀姜。夫人哀姜始見春秋莊廿四經傳。魯語上。齊人殺之。左閔二、僖元。

周公黑肩。周公黑肩始見左桓五。卽周桓公。隱二、閔六。周、召者。岐陽地名。文王分爲周公旦、召公奭采地。武

王定天下。周公封魯。召公封燕。元子世之。其次子守采地在王官。春秋時周公、召公是也。詩二南譜。春秋時別

于東都受采。存本周。召之名。非復岐周之地。晉書地道記云。河東垣縣有召亭。周則未聞。詩譜疏。黑肩爲莊

王所殺。桓十、八。案竹書周定公立宣王。與召穆公同時。黑肩其後也。

連稱。

管至父。二人惟並見左莊八。雍廩殺之。史秦紀。

雍人稟。雍廩始見莊八。廩稟同。雍又作雝。楚語上注。水經淄水注。廩又作林。史齊世家音相近。渠丘大夫。世家集解賈逵。所謂齊渠丘實殺

無知者也。左昭十一。楚語。案人字衍。因史言雍林人而誤。又史以雍林為邑名亦非。

鮒里乙。付里乙始見荀子宥坐。又作符里。說苑貴德。又作史附里。說苑指武。又作付乙。家語始誅。管仲誅之。並同上。

宋愍公捷。嚴公子。閔公捷始見春秋莊十二經傳。莊公子始見宋世家。閔又作潛。侯表世家。並與愍同。又作敏。中論法象。捷又

作接。公羊莊十二。立十年。侯表世家誤。作十一年。為南宮萬所弑。春秋故公羊云。搏閔公絕其脰。而世家云。因博爭行。以局殺之。

南宮萬。南宮萬始見左莊十二。亦曰南宮長萬。莊十一。亦曰宋萬。春秋莊十。二經傳。有力。史宋世家。宋人醢之。莊十二。弟履

繩曰。疑長是其字。

子游。子游始見莊十二。亦曰公子游。宋世家。不知何公之子。左疏。宋萬立為君。踰月見殺。左史。



猛獲。猛獲始見莊十二萬之黨。杜注。宋人醢之。莊十二。案通志氏族略五作孟獲古字通用。故昭廿二賓孟。

此表作賓猛也。

南宮牛。南宮牛始見莊十二萬之子。杜注。世家作萬弟。為宋所殺。莊十二。案南宮父子及猛獲皆弑逆大憝。何以

居第八當退入下下等。

鄭子嬰齊。子嬰弟。依毛馬本。各本弟譌子。鄭子始見左桓十八。楚語上子嬰弟始見侯表。鄭世家亦曰子儀在位十四年。

傅瑕殺之。莊十四。案子儀表作鄭子嬰。世家作公子嬰。此又作嬰齊。豈別有所見耶。

傅瑕。傅瑕始見左莊十四。又作甫瑕。鄭世家。又作甫假。世家。索隱。鄭厲公殺之。莊十四。

晉愍侯。哀侯弟。晉侯緡、哀侯弟始見左桓八。史侯表、晉世家又作潛。侯表。立二十六年。曲沃武公滅之。侯表。世家。然誤。

作二十八年。案緡潛閔愍四字古通。緡實其名。非諡愍也。國滅故無諡。

曲沃武公。嚴公子。曲沃武公始見左桓三。莊伯子始見侯表。晉世家。此稱名稱。史記。竹書。亦曰曲沃伯。桓七。莊十六。亦曰

晉武公。詩無衣、杜杜序、莊十六。亦曰武公稱。史記、竹書。滅晉。周釐王命為晉侯。莊十六、史記、竹書。前即位曲沃三十八年。代晉二歲。通

四十年卒。史記、然立年多誤、今校正。

王子頹。王子頹始見左莊十九。本作積。周語上、中。亦曰子頹。同上。莊王妾王姚之子。惠王叔父。莊十九及韋、杜注、世族譜以王姚為莊王

也。后非。奸位二年見殺。左、國。

蔦國。

邊柏。蔦國、邊柏始見左莊十六、十九。周語上。蔦國亦曰子國。並為統叔、鄭伯所殺。莊廿一、周語。

楚杜敖。文王子師古曰、即堵敖。杜敖、文王子。始見楚世家。即堵敖。母息媯。左莊十四。名熊羆。世家、而侯表單作羆、徐廣作熊、譌。堵杜聲相近。又

作壯。又作莊。史索隱、壯莊古通、故索隱莊音側狀反、然恐譌。立三年。為弟成王所弑。史記、然誤作立五年、今校正。

陳太子御寇。太子御寇始見春秋莊廿二經傳。經作公子。又作禦。公穀、陳世家。宣公子。公殺之。並同上。



魯公子牙。公子牙始見春秋莊卅二，公羊莊廿七，卽僖叔，亦曰叔牙，是爲叔孫氏，旣死。左莊卅二。

圉人犖。圉人犖始見左莊卅二，又作犖。楚語下。圉人養馬者。韋杜注。有力。莊卅二。亦曰扈犖。抱朴子疾謬。亦曰僕人鄧扈

樂慶父誅之。公羊閔元。案犖樂音近犖，疑誤。鄧蓋其氏，扈卽圉人，故公羊宣十二注養馬者曰扈。

公子慶父。慶父始見左莊卅二，齊語公子慶父始見春秋莊二，亦曰仲慶父。莊卅二。亦曰共仲。莊卅二，閔二。亦曰仲

父。穀梁莊二。亦曰孟氏。文十。縊死。閔二。案慶父其名，共其諡，仲其字，孟氏，叔孫氏，季氏謂之三桓。見左定六論語。公羊以三

桓爲莊公母弟，史魯世家從之。韋昭亦云慶父，莊公之弟，而杜注云慶父，莊公庶兄，叔牙，慶父同母弟，季友，莊公母弟，杜說較長。蓋本于世本，是以莊二，文十五疏曰慶父庶長而字仲，其後子孫以字爲氏，故經書仲孫，時人因其庶長，故傳稱孟孫，雖強同于適，實是庶長也。慶父弑二君，通哀姜，犖，齧爲其所使，賊般戕閔，皆當置下下。

卜齧。師古曰。卜齧惟見左閔二。齧音蠟。

衛懿公。惠公子。衛懿公始見詩載馳序，左閔二，惠公子始見衛世界，名赤。侯表世家。亦曰哀公。論衡儒增。立九年。史記。爲

狄所滅。閔二食其肉獨捨肝。呂氏春秋忠廉韓詩外傳七淮南繆稱新序八論衡儒增水經濟水注

晉獻公。武公子晉獻公始見詩葛生采苓涓陽序檀弓上左莊廿三公穀僖二晉語一武公子始見侯表

晉世家名危諸。左僖九春秋公穀史作詭亦曰晉獻。楚辭東方朔七諫抱朴子君道亦稱為王。莊子齊物論立二十六年。史記葬絳縣東槐泉村。一統志襄字記

百廿八云家在濠州定遠縣東去驪姬冢十步

優施。優施始見晉語一又作狐優施。韓子說疑優俳也。施其名。章注狐蓋其氏

梁五。

東關五。二人始見左莊廿八姓梁名五在閨闔之外者東關嬖五別在關塞者亦名五。杜注驪姬施讒賂

二五。晉語晉人謂之二五耦。莊廿八

虞公。為晉所滅大王後虞公始見左僖二春秋僖五大王後為晉所滅始見左僖五。案此虞公釋史謂即前所

列桓十年虞公之重出蓋以求劍求玉之人斷無不貪璧馬者然相距四十餘年未必是一君



虢公為晉所滅。虢公始見左莊廿七。王季後為晉所滅。始見僖五。名醜同。葬河內溫縣郭東濟水南晉世家集解引。

皇覽。案釋史謂此即前所列虢叔之重出。考虢叔見莊二十、廿一。亦稱虢公。疑虢公林父之子說在中。嗣後四

稱虢公莊廿七、三十、卅二、僖二。至僖五年。書虢公醜。周語上。晉語二。以莊卅二年之虢公即虢公醜。疑醜是林父之孫。

故表兩列之。

鄭子華。鄭子華始見春秋僖七經傳經書世子傳曰大子。文公報鄭子之妃陳媯所生左宣三。鄭殺之南里僖十六、宣三。

曹共公昭公子。曹共公始見詩候人。下泉序。左僖廿三。春秋文元。晉語四。昭公子始見曹世家名襄。僖八、文九經

立三十五年侯表世家。

惠后。惠后始見左莊十八。周語上。即陳媯同。惠王之后韋注。案史周紀。侯表。匈奴傳並言襄王母早死。

惠后為後母。本書匈奴傳同。韋昭從之。然據僖廿四傳。襄王。叔帶俱惠后所生。孔疏辨其非矣。

梁伯。梁伯始見左僖十八。梁伯左桓九始見僖十七又追敘六年梁伯妻惠公事當是此梁伯之先。嬴姓之國伯晉語二注。周平王封秦仲少子康為

梁伯。廣韻注、通志氏族略二路史後紀七。秦取之。梁亡。傳十八、十九經傳。魚爛而亡也。公羊傳十九。

晉懷公。惠公子。懷公始見左僖廿三、周語上、晉語三、惠公子始見僖廿七。母梁嬴。同名圉。傳十五、十七、廿二、晉語。亦曰子

圉。傳十七、晉語。晉人殺于高粱。傳廿四、周語、晉語三四。

衛成公。文公子。衛成公始見禮祭統、左僖卅一、周語中、文公子始見衛世家、名鄭。春秋傳廿八、卅宣九。亦曰衛子。傳廿五經。遷

于帝丘。傳卅一經傳。立三十五年。侯表、世家。

曹共公。昭公子。釋史曰重出。

齊公子無詭。師古曰、左氏傳作無虧。公子無詭始見齊世家、本作無虧。左閔二傳十七。齊桓公內嬖衛共姬所生、亦曰武孟。傳十

七。立三月、齊人殺之、無諡。傳十八、世家。

齊昭公。孝公弟、依釋史本各本弟譌子。昭公始見僖十七、孝公弟始見侯表、世家、名潘。春秋文十四。亦曰齊潘。左定四。母葛嬴。傳十七。立



二十年。侯表世家誤作十九。

案孝公名昭則潘不當以先君之名為諡日知錄四嘗疑其誤。

郟歌。師古曰。歌音觸。

閻職。二人始見左文十八楚語下。郟又作丙。

齊世家廣韻注丙姓。

歎又作鄆。

衛世家索隱集韻。

又作戎。

世家水經溜水注。

閻又作庸。

世家說苑。

復職又作織。說苑。

案丙為郟之省戎乃歎異文。

索隱謂常御戎車非。

職織以音同通借錢宮詹史記考異曰庸閻聲相近書無若火始燄燄漢書作庸庸。

見梅福傳索隱以傭雇解之非。

趙穿。依釋史本各本增習字。

趙穿始見左文十二春秋宣元晉語五趙夙庶孫是趙盾從父昆弟之子別為邯鄲氏。

文十二宣二注疏其父不著別封邯鄲見定十三注疏。

諡武子。韋注。

案晉語注穿趙夙之孫趙盾從父昆弟武子穿也夙乃衰兄盾與穿不

得為昆弟蓋因晉世家稱盾昆弟穿而誤又郭延年史通評釋云晉靈公居九而趙穿第八則臣可弑君矣。

鄭靈公。繆公子。

鄭靈公始見左宣四繆公子始見鄭世家名夷。

左文十七春秋宣四。

字子蠻。

成二。

亦日子貉穆公少妃姚

子所生。昭廿八。元年。侯表。世家。子家。子公弑之。宣四。諡幽公。改諡曰靈。宣十。

公子歸生。公子歸生始見左文二。春秋宣二。字子家。文十三、十七、宣四及十。

子公。子公惟見左宣四。即公子宋。上。同。案。二公子當入下下等。

晉先穀。先穀始見左宣十二。春秋宣十三。又作穀。穀梁經說。文左釋文。先軫之子。晉世家。而高氏春秋姓名考云。先且居子。顧氏大事表云。疑先克子。皆無據。難信。

食采于蕤。其上世食原。宣十。三疏。故亦曰原穀。亦曰蕤子。宣十。二。晉殺之。宣十三。經傳。而世家謂奔翟非。案。杜注及世族譜以先穀

為蕤季。劉炫規之。孔疏謂杜君別有所據。劉規杜非也。考成十八。蕤季是隨會之子士魴。不得為一人。炫說是。

楚子越。楚子越始見左文九。名椒。文九。經傳。或作萩。或作菽。見穀梁經及左穀釋文。是為鬪椒。左宣二。字伯棼。宣四。亦作伯。賁見襄廿六。令尹子文弟子

艮所生。熊虎之狀。豺狼之聲。滅若敖氏。宣四。

穀陽豎。穀陽豎始見左成十六。楚語上。子反之內豎。韋。杜注。又作陽穀。史晉。楚世家。呂覽。權勳。淮南子。人閒。



鄭公子班。鄭公子班始見左成十。又作般。成十三字子如。成十及十三成公子。春秋分記子駟殺之。成十三

曹成公負芻。宣公弟曹成公負芻始見左成十三、春秋襄十八、十九、立二十二年。史侯表案此依世家以

負芻為宣公弟。而杜注謂宣公庶子。似宜從杜。

屠顏賈。師古曰。即屠岸賈也。音工下反。屠岸賈始見史趙世家。說苑復恩。新序節士。亦曰岸賈。世家索隱述贊案通志氏族略五

復姓有屠岸氏。晉語二。大夫屠岸夷。蓋其先也。顏岸一聲之轉。故通用。史河渠書商顏。即商岸。集解服虔

曰。顏音岸。今本譌作音崖。日知錄廿七辨之。

宋蕩子。案此成十五年左傳宋蕩澤子山也。經書大夫山。各本脫去山字。史宋世家作唐山。蕩意諸之弟。蕩虺子。見文十六。成十五傳及注疏。或曰襄六年子蕩樂轡。疑此人。

晉厲公。景公子晉厲公始見左成十六。景公子始見成十。名州蒲。成十傳又作壽曼。史侯表又作州滿。成十疏

亦曰晉厲。呂氏春秋禁塞。淮南子兵略。立八年見弑。葬翼東門外。成十八經傳。一統志云。葬平陽翼城縣東南十六里。案蒲當作滿。書傳中多互譌。史通

五行志雜駁篇以蒲為誤。州壽字通。曼滿音近。非有二名也。

宋魚石。宋魚石始見春秋成十五經傳。公子目夷之曾孫。杜注。案文七傳。目夷子為公孫友。友之子不

著。高氏姓名考謂魚石是友子。不知何據。

慶克。慶克始見左成十七。慶封父。杜注。桓公子公子無虧之子。亦曰慶父。通志氏族略三。國佐殺之。成十七。

國佐。案國佐即前所列之賓媚人。不應重出。此與慶克並必慶佐之譌也。佐、慶克子。慶封弟。見左成十

八、襄廿一。

楚公子申。楚公子申始見左成六。春秋襄二。楚殺之。襄二。

公子壬夫。公子壬夫始見春秋襄元。匡謬正俗謂當作王夫。即右尹子辛。左成十六。穆王子。春秋分記。亦曰楚子辛。成十八、襄元二、三。亦曰

令尹子辛。楚殺之。襄五經傳。

鄭釐公。成公子。鄭僖公始見左襄七。春秋襄八。成公子始見史鄭世家。名髡頑。左成十及十七。春秋襄七。又作髡原。公殺襄七。並音

相髡又作郡。又作顛。穀梁釋文。又作惓。侯表世家。立五年。同上。子駟殺之。襄七。



子駟、子駟始見左成十。鄭穆公子。楚語上韋注。成十杜注。名駟。左襄八。又作斐。公穀襄十。是為公子駟。襄九傳。襄十經。諡武子。杜世族譜。亦曰

駟駢。楚語。盜殺之。襄十。

孫蒯。孫蒯始見左襄十。林父之子。杜注。

朱庶其。邾庶其始見春秋襄廿一。經傳又作邾婁庶其。公羊。又作邾庶期。本書地理志山陽南平陽孟康注。其期古通。故樊於期亦作樊於其也。

案朱當作邾。廣韻注、通志氏族略三謂邾後為楚所滅。子孫乃去邑氏朱。

鄭尉止。尉止始見左襄十。子產攻而殺之。同上。案水經渠水注引陳留風俗傳云尉氏鄭東鄙弊獄官

名鄭大夫尉氏之邑。本書地理志陳留尉氏注。應劭曰古獄官曰尉氏。鄭之別獄也。蓋地以官得名。尉止

食采于此。遂以邑為氏。其官周亦有之。故襄廿一欒盈曰將歸死尉氏。猶齊因諸者然。見公羊昭廿一。

衛甯喜。衛甯喜始見左襄廿五。春秋襄廿六。諡悼子。左襄二十廿六。甯俞子成子相。左成二。杜世族譜。相之後惠子殖。成十四。襄四。

十四、十六、二十。經傳。殖子喜。襄廿五。亦曰甯子。襄廿七。獻公使公孫免餘攻殺之。襄廿七。經傳。

巢牛臣。巢牛臣始見襄廿五。

宋伊戾。伊戾始見襄廿六。寺人惠牆伊戾為宋太子內師平公烹之。上同惠牆氏伊戾名。杜注惠伊皆發聲。

實為牆戾。杜以下文單稱伊戾舍族稱名故以惠牆為氏伊戾為名也。孔疏

吳餘祭。壽夢子師古曰祭音側介反。○依釋史本各本注脫。吳餘祭始見春秋襄廿九經傳壽夢子始見吳世家亦曰句餘。襄廿八杜注以為夷去索隱以為別一人並非疏引服虔謂是餘祭甚確。

亦曰戴吳。襄卅一立四年。春秋史誤閹以刀弑之。襄廿九

景王貴。靈王子景王始見左昭十一周語下名貴靈王子始見史周紀。世族譜名遺恐譌太子晉之弟。韋注在位二十

五年。侯表紀誤以心疾崩。昭廿二葬洛陽太倉中。續郡國志注水經洛水穀水注或言在河南三王陵亦見洛水注

魯昭公稠。襄公子師古曰稠音直流反。○依釋史本各本脫注。昭公始見論語禮曾子問左襄卅一春秋定元襄公子始見襄卅一母

齊歸立年十九。同亦曰稠父。昭廿五亦曰魯昭。本書五行志中下二十五年孫于齊三十二年薨于乾侯。春秋案昭公之

名襄三十一昭廿五作稠魯世家石經釋文同而世家索隱引世本史表此及本書律麻志作稠集解徐



廣又謂一作招。三字音形相近，似當從左。

晉昭公夷。平公子。晉昭公夷始見春秋昭十六。平公子始見史晉世家立六年。侯表世家。

燕惠公。二十世。燕惠公始見史侯表、燕世家立九年。侯表疑立七年卒。說見史記志疑八。

陳公子招。陳公子招始見春秋昭元經傳。又作昭。又作韶。又作茗。史陳、蔡世家索隱。亦曰子招。昭元。亦曰司徒招。昭左。

八。哀公弟。昭八經傳。

周儋桓伯。詹桓伯惟見左昭九。案路史後紀十、國名紀五以詹為周族卿之采。莊十九年詹父蓋桓

伯之先也。而簡王子靈王弟曰儋季。其子儋括。後有儋翩。見襄卅六定七。春秋分記以翩為括子。詹儋恐不可為一。

魯南蒯。南蒯始見左昭十二。南氏。昭十三。南遺為費宰。襄七。遺之子蒯。杜注。

莒子庚與。庚與始見左昭十四。本作與。莒子庚與始見昭廿三經傳。諡共公。昭十九。莒、嬴姓。少昊之後。周武王

封茲與期于莒。世本自紀公以下為己姓。不知誰賜之姓者。十一世茲季公方見春秋。杜世族譜。茲季見僖廿六。茲季公

後為紀公庶其紀公生季佗。文十八經傳分記季佗後為渠丘公朱。成八及十三經傳朱後為犁比公買朱鉏密。或謂朱即季佗非

州。襄十六、卅一經傳犁比公生去疾及展與展與弒犁比公而立出奔吳去疾立。襄卅一、昭十四是為著丘公。昭四及十四著丘

公之弟庚與。昭十四案莒為少昊後與鄭語陸終後曹姓之莒別但文七傳云穆伯娶于莒戴己聲己八年傳云穆伯奔莒從己氏隱二疏引世本云莒紀姓紀與己同穀梁昭十四注云莒己姓東夷即杜昭十七注亦云少昊氏己姓之祖獨譜依史秦紀謂嬴姓豈周初賜姓嬴其後改姓己歟。路史後紀七云紀公復己姓至魯襄

公之母姒氏杞女也而公羊作弋氏以為莒女殊不可信。

晉頃公。昭公晉頃公始見春秋昭卅經傳晉語九昭公子始見史晉世家名去疾。春秋史表立十四年。史記

宋元公佐。平公宋元公始見左昭廿春秋昭廿六名佐始見襄廿六昭四經傳平公子始見襄廿六母

宋芮司徒女名棄生佐惡而婉。襄廿六亦曰宋元君。莊子田亦曰宋元王。呂覽君守立十五年。史侯表

蔡平侯。景侯蔡平侯景侯子始見侯表蔡世家名廬。春秋昭十三、二十經傳釋文本作廬亦曰蔡平公。昭廿一徙

古字通侯表徐廣一作廬則譌也。

子方。亦曰宋元王。史龜策傳立十五年。宋世家



新蔡。本書地理志汝南新蔡注。立九年。史記。案昭十一、十三傳平侯乃隱太子有之子。靈侯之孫。景侯之曾孫。

此仍史誤。

樊頃子。樊頃子始見左昭廿二。釋文頃或作須非。即樊齊。昭廿三。案仲山甫封于樊。莊卅年有樊仲皮。頃子其後

也。

司徒醜。司徒醜惟見昭廿二。

子鼂。子朝始見昭廿二。即王子朝。同上。又春秋昭廿六。鼂古朝字。本書五行志上師古注。通志氏族略四作晁。景王長庶子。史周紀集解引賈逵昭廿二杜注。楚

之出也。五行志。稱為西王。昭廿三。葬南陽西鄂縣西。史集解續郡國志注引皇覽。

賓猛。師古曰。即賓孟也。賓孟始見昭廿二。周語下。猛孟古通。說見前。即賓起。昭廿二。賓滑之子。春秋分記。滑見昭九。劉蚤殺之。昭廿二。

蔡悼侯。靈侯孫。蔡悼侯、靈侯孫始見史侯表。蔡世家名東國。春秋昭廿一。廿三經傳。亦單稱東。穀梁。立二年。卒于楚。春秋史誤作三年卒。

梁丘據。梁丘據始見左昭二十。梁丘複姓。廣韻注。據又作處。同音据。禮投壺釋文。字子猶。昭二十。廿六。又作子將。史魯世家。

曹悼公。平公子。依釋史本。各本譌悼為桓。曹悼公始見春秋昭廿八。平公子始見史曹世家。名午。昭廿七經。立九年。死于宋。侯表世家。

南宮極。南宮極始見左昭廿三。震死。同上。

頓子。頓始見左僖廿二。頓子始見春秋僖廿五。姬姓。本書地理志汝南南頓注。案。僖廿五書頓子。後直至始四、五兩

年三書頓子。廿三年書吳敗頓、胡。沈七國之師于雞父。此列在昭公時。又與胡、沈二君並。必指雞父戰敗之頓子也。

胡子髡。胡子髡惟見春秋昭廿三。經傳。師敗而滅。同上。杜注云。國存君死曰滅。案。胡子初見襄廿八傳。至昭四年兩見。

至是滅。未知是一人否。但胡有二國。韓子說難云。鄭武公滅胡。稱胡為兄弟之國。姬姓也。昭卅一傳言胡女敬歸。歸姓也。此胡蓋歸姓之國。史韓非傳正義以鄭滅者為歸姓。路史國名紀五以楚滅者為姬姓。並非。

沈子逞。沈子逞惟見昭廿三。為吳所滅。同上。逞又作盈。穀梁。又作楹。羊公。沈國。姬姓。續郡國志汝南下。案。沈始見文三

經傳。成八年傳有沈子揖。至襄廿八傳沈子朝晉。當即是逞。昭四、五兩年三見。廿三年滅。未知逞是揖子否。唐表七十四上謂沈出昭季。又謂逞字循之。而不分別沈有二國。通志氏族略二謂沈姬姓。宋書沈約



自序以少昊後之沈合而爲一路史後紀七以此沈國爲少昊後並妄謬無取說在沈尹戌下

陳夏齧。陳夏齧始見昭廿三夏氏陳宣公子少西字子夏生御叔御叔生微舒子南。左宣十、十一、成二經傳、周語中、楚語上及韋杜

注、昭廿三疏引世本。徵舒生惠子晉晉生御寇御寇生悼子齧。世本案世本齧是徵舒曾孫故杜世族譜云悼子、微舒

三世孫乃昭廿三注謂玄孫蓋誤也。

魯季平子。季平子始見左昭九魯語下即季孫意如。始見春秋昭十、左昭廿五、魯語、公羊作隱如亦曰季孫。始見昭十二季文子之子武

子宿。始見襄六經傳、魯語及韋、杜注、世族譜、又魯語、檀弓上疏引世本宿作夙武子之子悼子紇。襄廿三、昭十二及杜注、世族譜、表不列武悼悼子之子意如。魯語注、世族譜、呂覽察微注悼子

先武子卒平子以孫繼祖也。昭廿五疏

宋樂大心。樂大心始見左昭七春秋昭廿五。是爲桐門右師。昭廿五、定九又作世心。公羊昭廿五案大心不得其

系次春秋分記謂是樂嬰齊四世孫。嬰齊見宣十五據杜昭廿二、定九注大心乃子罕曾孫樂溷之族父高氏姓

名考以爲子罕孫非也。

季公鳥。季公鳥惟見左昭廿五。又作空禱。說文。季孫宿子。世族。平子庶叔父。杜注。

公叔務人。務人始見左昭廿九。公叔務人始見哀十一。務又作禺。檀弓下疏云。禺務聲相近。即公為。昭廿五。廿九。哀十一。昭公子。昭廿

九。死齊師。哀十一。檀弓。孫侍御曰。務人死于齊師。不應居八等。

寺人僚祖。師古曰。祖音側加反。侍人僚祖惟見昭廿五。釋文曰。本亦作寺人。

臧昭伯。臧昭伯始見昭廿五。宣叔娶于鑄。生臧為。襄廿三。謚定伯。子昭伯。名賜。世族譜。亦曰臧孫。昭廿五。

厚昭伯。師古曰。卽郈昭伯也。郈昭伯始見昭廿五。亦曰郈孫。同上。亦曰后氏。本書五行志中。上。郈后厚通寫。說在前厚成子下。為孟懿子所殺。昭廿五。

吳王闔廬。闔廬始見左昭廿七。吳王闔廬始見史吳越世家。廬又作閭。淮南秦族史侯表。吳越春秋二。即公子光。昭十七。二十。廿三。廿

七。亦曰王子光。呂覽首時。亦曰吳子光。春秋定十四。亦曰吳光。昭卅。楚辭天問。亦與壽夢稱闔。夢。天問。越靈姑浮以戈擊之。傷將指。

卒。定十四。葬吳閭門外虎丘。越絕記地。案。昭廿七疏。世家集解。謂隱引世本云。夷昧生光。高誘呂氏春秋當染。簡



選、察微注、春秋分記皆用世本爲說。而世家及刺客傳謂光是諸樊子。新序節士、吳越春秋一、天問王注、公羊襄九何注、左昭十七、廿七杜注並同。未知孰是。

楚郤宛。郤宛始見春秋昭廿七經傳。字子惡。亦曰郤氏。官左尹。爲費無極所譖自殺。令尹子常炮之。上同

案史伍子胥傳徐廣注本潛夫志氏姓。以郤宛爲伯州犂之子。吳越春秋闔閭內傳言郤宛卽伯州犂。皆不可信。州犂是晉伯宗之子。爲楚靈王所殺。在昭元年。郤宛之難。在昭廿七年。州犂之子無考。定四年傳曰楚殺郤宛。伯氏之族出。則伯氏乃郤氏之黨。不但非父子。并非同族。徐廣謂宛亦姓伯別氏。郤恐不然也。而潛夫論、吳越春秋誤從史記來。楚世家云。宛之宗姓伯氏子嚭。伍胥傳云。楚誅其大臣郤宛。伯州犂並屬誤條。又傳稱郤宛直而和。國人說之。不應降居八等。

越王允常。夏少康後允常始見史越世家。又作元常。吳越春秋二四六越爲準姓。吳語韋注、本書地理志臣瓚注並引世本祝融之後。與楚同祖。

韋瓚注俱本鄭語號於越。春秋定五及十四哀十三先君無餘初封。越絕外傳記地、吳越春秋四、六餘亦作余六世至無玉。吳越春秋六傳世十餘。絕復立無余之

苗末曰無壬。生無暉。卒爲夫譚。生元常。吳越春秋四。而越絕譚作鐔。一作鐔。吳越春秋六暉作暉。夫譚作無康。又世家謂初封後二十餘世至允常。正義謂三十餘葉至夫譚。地理志謂始封後二十世至句踐。

葬木客山。越絕、吳越春秋六、水經漸江水注案越絕、吳越春秋曰。越王夫鐔曰。越王元常。然世家言周元王命句踐爲伯。號

稱霸王。地理志言粵至句踐稱王。越絕亦言句踐大霸稱王。則允常猶未僭王號。史正義謂允常稱王非。其爵為子。故

左傳云越子。竹書云於越子。蓋越濱南海。不通上國。世系莫詳。無余至夫譚等名。皆疑以傳疑。尙難據信。

而史、漢諸書謂越是夏少康封其庶子。豈足憑哉。臣瓚、韋昭俱不從此說。杜世族譜及古史並疑之。鄭語曰。半姓夔越。則非少康後明

矣。越語下。范蠡白。昔吾先君固周室之不成子也。韓詩外傳八曰。越亦周室之列封也。則非夏所封明矣。

又墨子非攻下曰。越王繫虧。出自有據。始邦于越。則始君不名無余矣。

鬪且。師古曰。且音子余反。鬪且惟見楚語下。

魯定公。昭公弟。依釋史本各本脫注。定公始見春秋定十五經傳、論語。昭公弟始見史魯世家。公羊注以定為昭子誤。是為公子宋。

定亦曰宋父。昭廿五年。立十五年。春秋。

宋昭公。案宋有兩昭公。前為昭公杵臼。後為昭公得。表皆列之。此蓋重出。

邾嚴公。邾莊公始見左昭十一。春秋定三名穿。定三。邾定公子宣公。慳宣公子悼公。華悼公子莊公。春秋分記。宣公

慳見左成十八、襄十七。悼公華見左襄十九、廿七、廿八。春秋昭元。爛鑪炭卒。左定三。立三十四年。分記。



夷射姑。師古曰。射音夜。

夷射姑始見左定二亦曰夷射。韓子內儲下惟誤以邾大夫為齊中大夫。

楚囊瓦。

楚囊瓦始見左昭廿三春秋定四令尹子囊之孫。

呂氏春秋慎行注楚語下注昭廿三杜注。

邾尹光唐之子。

呂注亦曰楚瓦。

左定四。字子常。始見昭廿三楚語。

唐成公。

唐成公惟見左定三亦曰唐侯。

同上。

唐惠侯之後。

杜注惠侯見宣十二。

劉累裔孫周更封為唐侯。

唐表七十四下而通志氏族略

二路史後紀十一謂改為唐公也。

其季世曰唐叔虞成王滅唐。

左昭元。分徙于許、逞之間春秋有唐成公是也。

史晉世家索隱。

楚昭王滅

之。定五楚世家。

案諸書皆言唐是劉累苗裔而楚世家正義引世本云唐姬姓之國通志略引釋例云變父之

後別封于唐春秋分記亦云唐姬姓恐非。

蔡昭侯。悼侯弟。

蔡昭侯始見左定三春秋哀四悼侯弟始見史侯表蔡世家立二十八年。

同上。公孫翩射殺之。

哀四而世家云。賊利殺之恐非。

遷于州來。哀二經。

案昭侯之名三傳春秋及史表皆作申孔疏釋文謂昭侯是文侯申玄孫乃

與高祖同名二申必有誤者世家又作甲而文侯父莊侯名甲午亦不應與同名豈二名不偏諱耶。

晉定公頃公子。頃公始見左哀十三。頃公子始見史晉世家。名午侯表。故曰晉午哀。立三十七年史。

陳懷公惠公子。陳懷公始見春秋定八。左哀元。惠公子始見史陳世家。名柳春秋侯。亦曰陳子定四。立四年經。

史記。然言死于吳。非。

滕悼公。滕悼公始見春秋昭廿八。名寧同上公。立二十五年春秋。案。滕之系次無考。春秋隱七年書滕

侯卒。十一年書滕侯來朝。莊十六年改書滕子。不知其名諡。至僖十九。經傳始稱滕宣公嬰齊。杜世族譜

謂叔繡及宣公十七世也。因檢經傳與杜譜。宣公孫為昭公毛伯宣。嗣立者文公繡成十六與始。文公子為

成公原襄卅一昭三。原卒。立悼公又檀弓下有。

許男依釋史本各。許男始見春秋定四。名斯定六。悼公卒。子斯立杜世族譜。遷于容城定。立十九年分。鄭滅許。

以斯歸定。錢宮詹曰。班氏西都賦。許少施巧。秦成力折。許少豈即許幼乎。



莒郊公。郊公始見左昭十四。著丘公子。注。杜庚與出奔。郊公立。昭廿三。經傳。案春秋哀十四書莒子狂卒。分記

謂即郊公。未知是否。莒子惟厲公。共公有諡。餘皆以地為號。蓋莒夷無諡也。說本左傳廿六。詩韓奕疏。

邾悼公。張雲璈曰。悼公為莊公之父。不應列莊公後。此必隱公益也。見定十五、哀七、八、十、廿二。經傳。春

秋分記云。益莊公子。

頓子。頓子始見春秋定四名牂。定十四。又作贍。公羊。案頓子自昭廿三敗雞父後。定四年復見。十四年滅。疑

是一人。然無的證。依表兩存之。

胡子。胡子始見定四名豹。楚滅之。定十五。經傳。

薛襄公。依釋史本各本。譌襄子。薛襄公惟見春秋定十二。是為薛伯定。同上。仲虺居薛。武王復以其冑為薛侯。齊桓

黜為伯。世不可知。杜世族譜。案春秋隱十一書薛侯來朝。莊卅一書薛伯卒。至昭卅一始稱薛獻公。穀疑穀

為襄公之父。唐表七十三下薛氏世系詭錯不可從。

小邾子。小邾子惟見春秋定四。杜譜云。邾顏有功于周。其子友別封附庸居郕。曾孫犁來始見春秋。從

齊桓尊周室命為小邾子世本肥徒邾則肥始封邾杜譜言友當是一人僖七經書小邾子來朝左莊五邾

左莊五邾 犁來疏路

史國名紀三邾之別封故曰小邾僖七亦曰小邾婁亦曰小邾婁子公羊莊又作小朱子路史後邾又作倪又作

言邾黎字舉

僖七

公羊莊 五僖七

路史後 紀八

兒公羊莊五及十五杜譜左襄案小邾子婁書于春秋定公時惟召陵之會挂及名諡無考杜

譜謂穆公孫惠公未知此即惠公否至國名紀以邾與小邾為二國恐非

齊悼公陽生齊悼公始見公哀六春秋哀十名陽生始見左哀五春秋哀六是為公子陽生哀五亦曰

齊陽生春秋景公子哀五立四年史侯表齊人弑之哀

鮑牧鮑牧始見左哀六鮑圉孫杜注亦曰鮑子哀六悼公殺之哀

田恆陳乞陳恆始見春秋哀十四經傳論語田乞子始見史田完世家即陳成子左莊廿二哀亦曰田常墨

非儒公羊哀六恆作常而檀弓上疏引世本作成子當誤亦曰田成子莊子胠篋呂氏春秋長亦曰陳成常呂慎勢淮亦曰田陳恆韓子外亦曰陳成

見史齊及田完世家

南人閒

儲右下



恆亦曰成恆。吳越春秋夫差內傳亦曰陳成田常。淮汜論案漢人諱恆此何以不諱陳後改田故二氏通言之成乃其

諡諸書所稱多複誤又陳恆弑君孔子請討當退入下下。

諸御鞅。諸御鞅始見左哀十四鞅為僕御之官亦田氏之族世本桓子產豐豐產子獻獻產鞅。史齊世家索隱亦

曰御鞅。齊及田完世家案諸御官名越世家諸御千人。

衛太叔遺。遺始見左哀十一大叔遺始見哀十六是為大叔僖子。同大叔疾之弟。杜注

衛出公輒。輒始見左哀二衛出公始見哀廿六蒯聩之子。哀二史靈公適孫。杜注亦曰孝公。孟子前後在位二

十年。據春秋經傳侯表世家所書年數並誤出奔宋卒于越。哀廿五墓在頓丘郡衛國縣。魏書地形志

渾良夫。師古曰渾音下昆反渾良夫始見左哀十五孔悝之豎。同為莊公之太子疾所殺。哀十七

孔悝。孔悝始見禮祭統左哀十五孔圉取太子蒯聩之姊孔伯姬生悝。哀十五亦曰孔叔。同亦曰叔悝。杜世族譜

左釋文。葬澶州頓丘縣北三里。襄字記五十七。

石气。石乞惟見哀十五。氣即乞也。崩聵黨。杜注。案其時楚亦有石乞而表與孔悝、狐黶並知是衛人也。

狐黶。師古曰。即孟黶。壺黶始見史弟子傳。壺狐古通。說在狐丘子林下。即孟黶。左哀十五。衛世家孟壺聲近。孟又作于。御覽戟部。蓋孟之省。又作孟。師古注及通志氏族略三。

疑以字相狀而誤。黶又作厭。文選辨命論注。又作黯。御覽目部。通志略並同音通用。

衛簡公崩聵。崩聵始見春秋定十四經傳。衛莊公始見左哀十一。崩又作蕢。史弟子傳。又作邨。石經。靈公太子。定

四。立二年。據春秋經傳。史侯表。衛世家作三年誤。為戎州人己氏所殺。哀十七。魏地形志。案崩聵疑有二謚。表當別有所據。釋

史謂諱莊為簡。恐非。漢諱莊為嚴。未見作簡也。

原壤。原壤始見論語。檀弓下。魯人。論語馬注。

叔孫武叔。叔孫武叔始見論語。左定八。即叔孫州仇。始見春秋定十。亦曰叔孫。左定十。昭子媯之子為成子不敢。成



子之子武叔。杜世族譜成子不致見定元五經傳

衛公孫朝。衛公孫朝惟見論語。案釋史本無衛字恐非考列子楊朱篇鄭子產之兄左昭廿六魯成

大夫哀十七楚子西子皆曰公子朝故加衛字。

尾生晦。師古曰即微生畝也晦古畝字

微生畝惟見論語魯武城人。通志氏族略四

互鄉童子。互鄉童子惟見論語。

弗肸。師古曰即佛肸也弗音弼

佛肸始見論語墓在中牟縣。寰宇記二

公山不狃。師古曰即公山不擾也音人九反

公山不狃始見左定五公山氏。論語狃又作蹂。史孔子世家索隱又作弗擾。論語字子洩。定五八

杞愨公。釐公子

杞潛公釐公子惟見史杞世家名維立十六年見弒。同上

杞釐公。師古曰此不當言釐公字誤也

案釐字誤釋史謂當作哀公是也世家曰潛公弟哀公闕路立十年卒索隱引譙

周云諡懿。

鄭哀公易。聲公子

鄭哀公始見史六國表名易聲公子始見鄭世家易又作錫。皇王大紀立八年見弒。世家

蔡聲侯產成侯子。蔡聲侯始見六國表。名產。成侯子始見蔡世家。立十五年。同上

蔡侯齊為楚所滅。蔡侯齊為楚所滅。始見六國表。蔡世家。立四年。同上

杞簡公春為楚所滅。簡公春為楚所滅。始見六國表。杞楚世家。哀公卒。湣公子出公。敕立。卒。子簡公立。一年

滅世家。

思王叔襲定王子。思王叔襲、定王子。惟見史周紀。定王崩。長子哀王去疾立。三月。弟叔襲殺哀王。自立。五

月。少弟嵬殺思王。同上

考哲王嵬思王弟。依釋史本。各本誤加周字。考王始見周紀。六國表。名嵬。思王弟始見周紀。又作隗。通志一十五年崩。紀表案。

此表于考王曰考哲。安王曰元安。烈王曰夷烈。顯王曰顯聖。皆二字諡。不知何出。

秦懷公躁公子。秦懷公始見史秦紀。秦記。六國表。立四年自殺。葬櫟園氏。同上案。紀以懷公為躁公弟。秦記

亦云。刺龔公生躁公。懷公則元注子字當作弟。



衛懷公。敬公弟。

衛懷公惟見衛世家。名釐。六國表世家。

立十一年。為公子頹所弑。同上。

案。懷公上為敬公子昭公

糾。索隱引世本作撓公舟。在位六年。懷公弑之代立。表不列昭公脫也。六國表懷作悼。而釐之前三世是悼公。後六世是懷君。疑諡有誤。又懷為敬弟。史無明文。世家但云公子釐而已。此豈別有據歟。

威烈王。考王子。依釋史本。各本增周字。

威烈王始見周紀。六國表。考王子始見周紀。名午。同上。亦曰周威王。魏世家。二十四年崩。

紀、表。葬洛陽城內東北隅。周紀集解。水經穀水注。

鄭幽公。共公子。

鄭幽公。共公子。始見六國表。鄭世家。名己。元年。韓武子殺之。同上。

宋昭公。景公子。

宋昭公始見六國表。宋世家。名得。左哀廿六。今本世家誤作特。元公會庶孫。父公孫糾。糾父揣。秦元公少子

也。立四十七年。世家糾。左作周。杜注。周字子高。

案。傳。景公無子。取公孫周之子。得與啓畜諸宮。景公卒。先立啓。後立得。世

家謂公子特攻殺太子而自立。此又以昭公為景子。三處不同。似當從傳。

晉幽公。懿公子。

晉幽公始見六國表。晉世家。名柳。同上。立十年。竹書史誤。作十八年。夫人秦嬴。賊公子高寢之上。世家索隱。引紀年。今

竹書作晉大夫秦贏非。又表言魏誅幽公甚誤。

案六國表幽公繼懿公而立則幽必懿之子也。

今本表脫懿公索隱正義引表有

世家誤以為哀公子此

注可證史之失。

衛慎公。敬公子依毛馬本他本譌在七等

衛慎公始見六國表衛世家名頹父公子適適父敬公立四十二年。上同

案敬公

子當作敬公孫。

楚聲王。簡王子

楚聲王始見呂覽慎勢簡王子始見六國表楚世家名當立六年盜殺之。上同

元安王驪。威烈王子

安王威烈王子始見周紀二十六年崩。周紀六國表

案史安王名驪疑驪之誤。

鄭繆公駘。師古曰繆音聊駘音臺

鄭繆公駘始見六國表鄭世家幽公子立廿七年見弑。同上世家誤子作弟

案表集解云繆

或作繆與此同然皆謚法所無疑是繆字之譌。

韓哀侯。文侯子

韓哀侯始見戰國韓策韓子內儲下文侯子始見韓世家滅鄭徙都鄭。世家竹書因改號曰鄭。世家

索亦曰韓哀。本書王褒傳注文選聖主得賢臣頌注並引世本

又作寒哀。

呂覽勿躬俗本哀譌寒左傳寒浞本表作韓浞游俠傳寒孺史記作韓呂覽觀表寒風淮南齊俗作韓文選曹植名都篇注寒韓古通

立六年



見弑。六國表世家、竹書

夷烈王喜。元安王子。依釋史本各本誤增周字。下顯聖同。

烈王喜、安王子。始見周紀。七年崩。六國表、竹書而紀誤作十年。

顯聖王扁。夷烈王子。師古曰。扁音篇。

顯王扁始見周紀。四十八年崩。紀表、竹書。

案史及廣弘明集破邪論以顯王為烈王弟。

此作子似誤。又扁字元有平上一二音。史正義音邊典反。亦與師古異。

宋剔成君。辟公子。

宋剔成君始見史集解引六國表。辟公子始見宋世家。亦曰剔成。立四十一年奔齊。表及世家。

案索隱引紀年作易城盱。

三字各本譌作剔成盱。

則剔成者易城之誤。而盱是其名。盱封于易城之地。因以為號。

嚴躄。師古曰。躄音居略反。

莊躄始見商子弱民。荀子議兵。韓子喻老。呂氏春秋介立。又作蕎。淮南主術。亦曰莊豪。後書南蠻傳。亦

曰企足。呂異用疑是其字。

楚莊王苗裔。王渢。史西南夷傳。

案困學紀聞十二言有兩莊躄。恐非。說在史記志疑三十四。

又躄當音去遙反。

慎靚王。顯聖王子。依釋史本各本注脫。

慎靚王、顯王子。始見周紀。名定。同上。亦曰慎王。華陽國志、蜀志。亦曰靜王。亦曰順王。路史前紀四注引志。亦

單稱順。法言淵齋篇、慎順古通、說即靜字。六年崩。紀表。

越王無彊。句踐十世。為楚所滅。越王無彊始見史越世家。彊又作疆。越絕二、八、竹書、水經漸江水注。楚威王殺之。世家。葬壽春東鳩陵亢。

越絕二。案史言楚殺無彊。盡取其地。越以此散。故云為楚所滅。至謂無彊為句踐十世。不知何據。史敘句踐

卒。次廩與。即左傳適郢。竹書作鹿郢。次不壽。次翁。次翳。次之侯。次無彊。疑十世是七世之譌。然竹書及越絕外傳記地。吳

越春秋十所載。名號既異。代系亦殊。莫由詳定也。

趙武靈王。肅侯子。武靈王始見戰國趙策。肅侯子始見史趙世家。名雍。索隱。亦曰趙靈。列女傳、後書文苑崔琦傳。立二十七年。

傳國。自號主父。六國表、世家、秦趙中山策。年五十。餓百日而死沙丘宮。大戴禮保傅、說苑尊賢、秦策、世家、范雎傳。葬代郡靈丘縣東南三十里。水經、滹水

注、世家集解正義。

李兌。李兌始見大戴禮保傅。戰國西周、秦、趙、燕策。說苑作李充譌。號奉陽君。趙、魏燕策。案唐宗室表。李耳之後李宗。

生同。為趙大將軍。生兌。恐不可信。



田不禮。田不禮始見趙世家。田又作仙。墨子所染疑譌。禮又作禮。呂氏春秋當染。荀子解蔽注引呂同。然譌也。御覽六百廿引呂作田不禮。為公子成、李兌所

殺。世家。案墨、呂書言宋康王染于田不禮。而史言趙主父使田不禮相太子章。豈先為宋臣。後用于趙耶。

李、田二人亂國弑君。當置下下。

代君章。代君章始見趙世家。武靈王太子廢為代安陽君。作亂見殺。同上。

齊愍王。宣王子。齊閔王始見秦、趙、燕、齊策。愍與閔同。又呂氏春秋、史記屢見。並作潛。高祖紀索隱本作緝。類篇引史作暗。宣王子始見史田完世家。名地。六國

表、世。又名遂。索隱引世本。其相過頤豕視。齊策。呂氏春秋知士誤以為宣王。立四十年。表及世家。軍破奔莒。淖齒殺之于鼓里。齊策。又秦策及韓子姦劫弑君

篇。史范雎傳謂擢筋懸梁。宿昔而死。

淖齒。師古曰。淖音女。教反。字或作卓。淖齒始見秦、齊策。淖氏、楚公族。路史後紀八。又作卓。呂覽正名。又作悼。史田單傳。又作踔。潛夫論明闇。王孫賈

刺殺之。齊策。案淖悼卓踔四字。疑古通借。晉之卓子。史晉世家作悼子。趙悼襄王。鵠冠子世賢作卓襄。楚

策有卓滑。即淖滑。莊子秋水篇跲踔。釋文本作卓。

騎劫。騎劫始見齊、燕策。騎姓。廣韻注。田單殺之。齊策。

趙括。趙括始見呂氏春秋自知。趙奢之子。史奢傳。襲號馬服君。秦、趙、齊策。白起射殺之。白起及奢傳。

韓王安。為秦所滅。韓王安始見史始皇紀。秦滅韓始見六國表。桓惠王子。立九年亡。表及韓世家。

趙王遷。為秦所滅。趙王遷秦滅之。始見燕、趙策。悼襄王子。其母倡也。是為幽繆王。趙世家。亦曰湣王。世家集解。亦曰幽

愍。六國表集解。列女傳作幽閔王。亦曰幽王。趙策及史馮唐傳正義。立八年。表及世家。流于房陵。思鄉。作山水之嘔。淮南泰族。世家集解正義引作山水之嘔。墓在房陵西

九里。世家正義。案韓安、趙遷當退一格。與楚、燕、魏、齊諸亡國者同等。

楚幽王。考烈王子。楚幽王始見楚策。考烈王子始見楚世家。楚策及史春申君傳。列女傳。越絕十四言幽王是春申所生。母李后女環。策傳。列女。越絕。名悍。

世家。又作悼。六國表。列女傳。又作捍。春申傳。索隱。又作擇。高祖紀。索隱。立十年。表及世家。葬壽春。鳧陵亢。越絕二。

燕栗腹。栗腹始見齊、燕策。栗姓。六國表。索隱。廣韻注。燕王喜使攻趙。廉頗破殺之。燕策及史表。燕趙世家。廉頗傳。



劇辛。劇辛始見燕策、鷓冠子世兵、劇姓。廣韻注。本趙人仕燕。史李牧傳索隱本燕策。為趙將龐煖所禽、自剄死于趙。鷓冠子六

國表、趙世家、而燕世家、李牧傳云煖殺之。葬保定府容城縣東廿五里劇村。一統志。

代王嘉。為秦所滅。代王嘉始見燕策、秦滅之始見六國表、趙世家、悼襄王適子、趙亡立為王、王代。世家。六年滅。

表及世家。

秦二世胡亥。二世皇帝胡亥始見秦紀、始皇紀、亦曰秦二葉。文選南都賦注。始皇少子、立三年自殺、葬杜南宜

春苑中。紀、表及李斯傳。案、胡亥當列九等。

